

永樂大典

卷七千二百四十

永樂大典卷之七千二百四十

十八陽

堂名二十六

盡心堂

松江志堂在郡治西偏。宋政和間，姚舜明為邑撫民盡獄。置堂之中，榜曰盡心。取夫子所謂刑者創也。創者成也。一成而不可變。故君子盡心焉之意。後葉如英改曰琴堂。今在郡治。江州志彭澤縣獄有盡心堂。在無倦右。元一統志堂一在河南府登封縣治。縣令管景文建。李鷹方叔為之記。一在嘉定府龍游縣提刑司。王休持憲節日。以一路渠堰源。派鍾世及西南夷邊寨堡障道里斥候。繪之壁間。與地紀勝堂一在遂寧府潛臺。一在隆興府司理廳。汪藻為之記。今堂廢。碑存。咸淳毘陵志堂在晉陵縣治。廳後西偏。宋未晦庵大全集盡心堂記。予交范伯崇。始仕為廬陵屬邑主簿。不小其官。遇事亡所苟。遂以幹敏聞。州藉其才。奏取以代錄事之病。不能事者。廬陵民素屬訟治獄者。常患不能得其情。伯崇既盡心焉。而又庶勤以捷于下。懇惻以伸於上。於是小寃必白。而姦民無所幸免。

永樂大典卷七千二百四十

一郡稱之。官以無事。則以暇日。葺其問事之堂。而取君子盡心之云者。榜之。又夫書噬嗑之卦於屏上。且闢其後為方丈之室。以會友講學焉。一日書來曰。願有以記此堂。而名其室。以幸教我。且使來者與有聞焉。予惟王制之篇。雖傳以為漢博士官所出。然其所謂刑一成而不可變。故君子盡心焉者。語約而意周。教明而戒密。意其或者古之遺言也與。今伯崇既躬行之。而又以名其堂。欲其出入起居。仰而見之。常有以自警也。以為未足。又取大易電雷之象。明斷之義。與夫剛柔上下。淺深難易之說。全夫黃金。艱貞貞厲之戒。揭於坐右。而以蚤夜覽觀焉。此其志。豈以一得其情而遽喜者哉。然猶懼夫學之未至。而於父子之親。君臣之義。纖微之間。有所未察。則雖欲悉其聰明。致其忠愛。而不知所以權之。故又為退食燕居之所。於其後。以便講學。此則尤非今之為吏者所能及也。昔子路曰。有民人焉。有社稷焉。何必讀書。然後為學。此言近是。而夫子惡之。然則仕本於學。而學必讀書。固孔門之遺法也。因請命其室曰讀書之室。而悉記其本末。如此以遺之。伯崇家傳正學於道。有聞。而其小試之効。又已孚於上。如此。此其所以讀書者。必有以異乎人之讀書矣。伯崇平居。退然若不能言。遇事。汎然若無所主。予雖知之深。亦未嘗不喜其溫厚之有餘。而憂其強毅之

不足也。今一行作吏。其所以自樹立者。乃如此。而世之聰明才智之士。計其當官之效。宜可以遠過於伯崇者。或乃反不能及。予於此又竊獨有感焉。因并書之。以風曉當世。且以厲來者於無窮。伯崇名念德。建安人。與予有世舊。且有連。又相好也。乾道癸巳二月丁亥。記楊誠齋集盡心堂記。鄒陽忠定張公參政。孤忠大節。霜清玉潔。在廟堂而百官聳。在邊鄙而四夷服。在出處而萬民仰。蓋紹興名臣之冕弁。江左人物之泰華也。由今望之。生氣凜凜。故其典刑文獻。衣被子弟。傳襲宗族。如漢韋平。如晉王謝家。芝玉而人鳳麟。今湖北憲臺檢法官張君瀛。其群從之仲李也。以達學懿文。拔奇輩流。蚤踐世科。誼美績聞。方當聖上体天大德。蹈舜好生。好選庸使。桂林唐公為詳刑使者。又差擇語掾如君者。以賓贊之。而詎律焉。退之所謂志同氣合。川沫雲飛者。不在此其將焉在。君於今年某月某日。以公解久敵。撤而新之。於其東偏作一燕坐閣。其上而堂。其下。扁其堂曰盡心。蓋取諸禮經。則成之戒也。不遠千里。移書謁記於萬里曰。瀛不佞。生也後。仕也遐。願一就先生之下風。而亡跡。然幸與先生之李子為僚於斯。將有請於斯。斯室也。斯名也。瀛竊願學於則成之君子焉。惟先生進之。某復之曰。盡心於刑。其戒在禮。其說在易。易之中乎曰。君子以議獄緩死。夫議獄

云者。將議而入之歟。抑亦出之歟。緩死云者。將緩之而求其死歟。抑亦求其生歟。惟君子之乎於中而誠於心者。知之矣。此盡心之說也。昔于公之陰德。其慶在定國。歐陽崇公之仁。其報在六一先生。君子勉之。若君之盡心者。今蓋稀矣。空桑不云乎。豈若吾身親見之哉。惟君楸之。嘉泰元祀十月望。記錢塘韋驥集盡心堂記。人性鈞善源於其心。心之官則思。思則得之。不思則蔽。蔽性之賊也。思蔽之救也。學思之益也。曰救曰益。所以養其善也。夫學亦不志數。學射不志殺。弈射乎小如是。况其過者乎。君子奮身從仕。忠于君。澤于民。其志也。忠也。顧其所得盡澤也。顧其所得施其守也。在易之艮曰。思不出位。蓋慮有所止。則精不亂也。事不佞也。委吏乘田。聖人嘗為之矣。不聞會計之廢。牛羊之瘠。若其官。不以大德而棄小也。典獄之職。豈二者並。國刑輕重由之。非若穀貨之末。人命死生繫之。非如畜牧之易。今人補掾州郡。雖有理號。而顧不念責。顧以卑賤自處於此焉。蚤夜墮獲。作謀進之計。聽訊之間。忽為細故。甚者至於民寃不直。胥猾不制。豈不足為君澤民之地邪。豈性不明之罪邪。是亦不思而蔽之耳。蔽孰為大。畏懼而持祿。恃智而任威。背成而偷安。蔽之大者也。上之人曰。某事必如許。某事必如許。已不審其是否。而謹從之。曰。不然。將病我也。是蔽於畏

權而持祿也。如其思之不當。曰上之人則說矣。罰一濫及。彼何辜哉。已之
訊已爾。情偽若是。隱伏若是。一不獲。則枉鞭撻以求之。曰勿違予巧。是故
於恃智而任威也。如其思之不當。曰古之五聽。攝掠不及。雖得之。猶刺宥
者三。刑夫輕慮。索辱楚毒。而期於必從哉。獄無顯聞。一切委吏治。既具則
施文以嚴之。囚唯則已。不假更端。以窮未究。曰恐擾乃事。是故於責成而
偷安也。如其思之不當。曰神則不勞。奈何辨曲直於斷削之後哉。噫。有是
蔽者。非天恩之也。不竭所有而致然也。故曰。人皆有是心。賢者能勿喪耳。
驥治獄之三月。以東偏舊堂。易朽光破。為燕息之地。朝夕從事。退得所止。
以思以學。唯恐及蔽。且生與人同。善亦與人同。雖未能淑問如魯錄。豈不
能克吾之善。以守吾職。使國土之人。自以為不克邪。進不進。不度乎外。豈
不能一吾守而保無愧於屋漏邪。蓋不病不能。病不盡焉耳。傳曰。刑者制
也。制者成也。一成而不可變。故君子盡心焉。取茲言名茲堂。且為之記。以
自發云。嘉祐三年正月十日。記李端叔濟南集盡心堂記。一人之心。與
夫十萬人之心。先民之心。與夫後世之心。與夫愚夫愚婦之心。其所以然
不然。不可者。無或有異。有社稷人民之寄。欲設教布政。而願治者。能盡
其心。使人人之心。皆以為然。以為可。則天下之理。無往而不當。天下之情。

水樂大典卷七千一百四十

無往而不通。誠能奉之以悃悞之誠。持之以黽勉之力。思其理之所在。必
使之無遺蘊。慮其事之所安。必使之無遺策。自謂吾之心。盡於是矣。以之
律身。以之臨民。以之事君。以之事天地。無愧無怍矣。夫然後推之。以及人。
其以為不然。以為不可者乎。揚翟管景文為登封大夫。為政三月。境內稱
治。吏畏威。明民安教。令。述其治効。當得善最。景文新作聽訟之堂。取傳所
謂刑者制也。制者成也。一成而不可變。故君子盡心之說。名之曰盡心。可
謂明慎致恤。而願治者歟。民麗罪罟。既陷刑辟。枵腹待斃。之間。微纒縶楚
之下。彼不能盡心者。或作聰明。以自私於己。或不事事。而仰成於吏。自私
於己者。徇其意之愛憎。顧其身之利害。所欲脫之。則鑽毛出羽。粉飾其詞。
所欲收之。則洗垢求瘢。傳置其議。仰成於吏者。不能知審克。而信其舞文。
雖高下其平。而有所不察。不能平反。而縱其驚獄。惟貨為求。而有所不問。
以是而施刑於民。俾罰之者。自以為不克。奪之者。沒齒而無怨。何可得乎。
然則知一成而不可變。而盡其心。非忠厚不苟。有古昔長民之化者。嚮肯
如是。然君子之盡心。何獨刑罰而已哉。盡心以奉上。守靖其正直之操。盡
心以取。下成。豈弟和平之俗。盡心以治賦。府庫充初。無追胥之擾。盡心以
務農。田野墾闢。無愁嘆之聲。由是推而廣之。至纖至悉。心之所知。皆為之。

永樂大典

卷七二四〇

盡然而不治者。未之有也。景文之意。以謂不惟其身當然。後之為令者亦當然。不惟為令者當然。凡邑之有職事者亦當然。不惟此邦當然。凡有位於朝。有職於官。雖百職事。小有司者亦當然。於是屬贊皇李鷹為之記。汪藻浮溪集。洪州右獄盡心堂記。世稱皋陶以刑事舜。其後封於莒。六至春秋時。其國先亡。以為用刑者之戒。余獨以為不然。漢于公表安郭躬。皆以決獄陰功。遺福子孫。至取卿相。封侯累世。孰謂皋陶明允篤誠。而以刑之祀哉。蓋君子常惠澤不得施。與施焉不遽及物。若持法之平。司人之命。不擇位小大。皆得以行其志者。惟刑為然。使吾聽訟如召伯。折獄如李路。泉幹如曾子。君子佑焉。小人懼焉。雖世世獲福可也。然君子亦豈先處已禍福。議人之生死哉。斯無愧而已矣。吾友蕭通用。恢疎樂易人也。始吾與之游。得溫厚之氣於眉睫間。每上府休。輒坐曹處。擊令輕重。訊報爰書。不以譏吏。平反決獄。必以其情。諸羅文法者皆不恨。余知其以利受福也。他日斷廢園。立屋數楹。列美蔭于前。為亭對峙。而求說於余。余以為王制刑者。制也。一成而不可變。故君子盡心焉。為思天下之溺。猶已溺之。覆思天下之飢。猶已飢之。蓋古之君子。於人無所不用其至。今吾與子。一杯相屬於此。亦思有向隅悲泣。滿堂為之不樂者乎。亦思有捶楚之下。何求而不得者乎。亦思有禁切寒不得衣。飢不得食者乎。古之循吏。鮮不以仁成名。酷吏。鮮不以刑取禍。輕用民死。以喜怒行之。幾何其不挽弓自射也。故余嘗以遺通用。并告後之君子。毋為捨福取禍。必無媿於心。然後可以樂此。周鼎記于建斯堂。名曰盡心。客有問曰。君於刑獄。常恐寬留。督促者覽。寤寐於是。蓋一成而不可變。宜君子之所盡心也。其取此乎。子應之曰。然。又或問曰。子究竟性理。脫離生滅。蓋盡其心者。知其性也。豈謂是歟。子應曰。然。問者一日何處。而會言。乃詰余曰。夫利物令名。必有所主。既取刑成。又曰知性。一名二義。果孰從乎。且郡縣獄未決之獄。而憲司覆已成之案。與其審覆於既行。孰若詳讞於未斷。方其未斷也。孜孜矜謹。則於事有濟。及其已行也。則死者不可復生。而刑者不能再全。雖有明察。尚何益焉。故在郡縣。謂之盡心可也。而於憲司。亦曰盡心可乎。子曰。噫。子亦未究其本矣。子蒞事未幾。諭令郡縣申議疑獄。指日而待報。罔有淹留。罔有擅決。設或夫當。則出者可以連生。無至於惡。奸而入者。如編配之。尚能改正。使寬者有伸。夫不惠奸。則惡人知懲。寬者伸。則善人斯安。為政之道。莫大於此。况郡縣所及者。才境內。而憲司所被者。十三州。何啻十倍於此。而曰無益何也。客曰。君子盡心之義。既已聞命矣。敢問。又曰知性者何也。余曰。心即

性也。性乃心也。施於有為而應物者刑也。孔子謂吾道一以貫之。而孟子亦曰萬物皆備於我。豈有異道哉。由此言之。則凡所謂盡心者。皆可名之。姑以二子所問者釋焉。至於千變萬化。理亦一致。又豈止於盡心而已耶。東郡志曰。馬縣盡心堂。攝白馬事。孟防。蔡為鞠獄之所。郡官李升為作記。兼同郡官具持安題于記后。君子之於事無所不盡心。而古人獨於刑曰。一成而不可變。故君子盡心焉。則知刑尤在所慎。以先為君。皋陶作士。可以謂天下無克民矣。而猶勅戒曰。欽哉。惟刑。舜亦曰。刑期于無刑。民協于中。特乃功。以天下言之。則事之不可忽者。固有著於獄官。隨事緩急。而為之應者不一。或失之詳。或失於略。其悔可以復追。其過可以自新者有之。不害為君子。至於刑獄一成。則失於俄頃。而終身負愧。遂至於無可奈何者。不可勝數。此不獨有識者皆知。雖塗人亦莫不然。及乎一起為士。則或徂於勢利。或奪於憎愛。或倚法以割。或傍緣作姦。在可緩而急。當所先而後。百姓始受敝矣。其極也。則又有鑿空以求實。剝骨以求深。原其初心。豈果樂於殺人哉。厚於為己而已。故前世如于定國。丙吉之類。號為有陰德。往往福及數世之子孫。自漢以來。名臣以治獄多顯者。史不絕書。故士大夫益以陰德為可尚。而不知福豈有陰陽哉。特內外之異爾。故曰。明則

永樂大典卷七千二百四十

五

有禮樂幽則有鬼神。明者陽也。幽者陰也。事見乎明。道藏於幽。體道故無近功。立事故多後悔。是以有得於內者。必忘諸外。施德於陰者。必失於陽。雖遲速遠近不同。其為有得則一也。故先登陷陣。斬將奪旗。蒙被矢石。不避陽火。世必以為名將。而見忌於道家。陰謀密計。以身徇物。疲精憊思。晝夜不得休息。世必以為名臣。而不免有陰禍。此非得于外而忘諸內之効歟。世固有敦朴樂易。靖其持重。所至無赫赫之譽。為一時所賤。簡而福履之盛。至於累世。或權傾帷幄。抑情寡欲。忍辱含垢。視之若無能。世所謂吉祥善事者。具享之。此非失於陽。則得於陰之効歟。故莊子曰。天之君子。人之小人。人之小人。天之君子。可謂知言矣。自非中智以上。是非兩忘。則未始不以得失為意。使其終必有一得。則孰肯自蹈於不測之淵。惟其操之不固。恐兩失之。故謂近利為可得。以冥冥為可欺。此前世酷吏所以自投於死地而不悔也。夫以須臾之不思。而受報無窮。則向所謂得者。不足以補所失。忘目前之患。而福履及於後昆。則今之所謂忘者。不足以喪吾存。如是則其進非得也。其退非忘也。雖利非福也。雖害無傷也。在我所擇而已矣。白馬於滑屬邑中。號為難治。孟君攝事數月。囹圄屢空。一境遂以無事。暇日營堂於廳之西。為鞠獄之所。且以盡心名其堂。郡官李升善而

為之記。余既得與孟君從事。其始也。特知其有才。及見其不以細故事。外為惠。慨然有哀矜庶獄之意。猶以為未也。又為堂以表之。朝夕觀焉。然後又知孟君所存在此。而不在彼。誠能慎終如始。則陰德未可量也。樂為道之。雖然。孟君之去。有時。來者無窮。入其門。升其堂。視其榜。由是以思。必有一得。雖有外物。將不能奪。吾將見一邑之民。在者得直。寃者獲伸。則流澤之遠也。豈止五世而已哉。乃書于記。後元祐元年八月九日。吳安持題。曹彥約。昌谷集。畫心堂賦。士子為同官張汝器司理作。晉中軍司馬之冑。裔。孟持平廷尉之雲孫。磊砢懷其至寶。芳相金玉。而器與塔。傲墳素之場。圓。折道德。使為落哇。揭車椒。宅仁里。而入禮門。展肅肅。榜榜威儀。抑抑。短赫燿燿。聚其有文。出玉游衍。上帝鑒觀。芳震動。懸珠。願履而聞行。紛總。總有此象。用。又伸之。以中正。於是乎。以決曹參軍事也。迺新聞燕之所居。風雨。此其故。除。鳥鼠。此其故。去。非不能。聲。飛。跋。翼。素。索。閣。闕。芳。聖。履。而。丹。塗。卷。吾。法。乎。前。階。芳。衷。世。俗。之。蕪。穢。惟。職。思。於。盡。心。芳。率。前。聖。之。格。言。戴。氏。舉。以。明。刑。芳。謂。一。成。而。不。可。變。彼。泉。事。必。即。天。倫。芳。自。往。昔。而。固。然。嗚。呼。上。下。於。手。芳。真。其。見。如。眩。乎。震。耀。殺。戮。而。無。見。雖。鞭。朴。不。可。弛。於。家。芳。矧。邦。典。其。持。重。胡。寧。焦。然。于。徑。行。芳。失。德。而。欲。怨。懿。堯。舜。之。畫。

水。芳。雜。裾。履。與。須。緣。彼。何。人。斯。芳。炮。塔。斯。涉。而。剖。賢。車。陶。儼。而。淑。問。芳。白。帝。德。之。罔。愆。咨。秦。人。凝。脂。以。密。芳。救。火。揚。沸。任。以。武。健。相。司。冠。圖。土。不。虧。體。以。刑。人。芳。慮。生。齒。之。不。繁。豈。錮。項。截。舌。瓜。甲。以。格。地。芳。內。深。刺。骨。而。外。寬。真。人。約。法。於。滿。上。芳。痛。刀。鉞。鑽。鑿。之。已。殘。不。數。世。改。此。度。芳。鷹。擊。毛。擊。而。虎。冠。蹄。元。囚。四。百。之。獄。芳。歌。七。德。無。所。慙。未。再。世。而。孽。后。芳。指。骨。燠。耳。張。罪。罟。以。羅。元。元。慨。木。世。之。湘。濁。芳。擬。糞。壤。以。充。幃。匪。其。心。之。不。盡。芳。顧。西。欲。適。蜀。而。東。之。仰。先。哲。之。墓。訓。芳。歸。求。師。而。有。餘。望。揆。予。于。初。度。芳。好。懿。德。而。東。奔。見。孺。子。休。揚。側。隱。芳。念。入。井。之。無。辜。滿。堂。飲。酒。以。為。樂。芳。悲。一。夫。悲。泣。而。向。隅。人。命。至。重。難。生。而。易。殺。芳。斷。不。可。復。續。而。絕。不。可。復。蘇。思。乾。坤。之。稱。父。母。芳。豈。知。化。窮。神。則。善。述。事。而。離。志。忽。一。念。之。或。差。芳。將。政。刑。德。禮。錯。行。而。逆。施。已。服。弁。於。畫。地。刻。木。芳。矧。枯。拳。係。累。而。倒。垂。吏。示。贖。背。以。為。貴。芳。幾。置。辭。之。不。知。劾。嘗。將。百。萬。軍。猶。若。茲。芳。又。况。幼。弱。老。老。與。慈。慈。拘。父。子。之。訟。芳。更。三。月。而。舍。旃。為。國。家。必。以。考。芳。豈。是。老。之。欺。余。盍。亦。思。清。源。正。本。之。論。乎。以。為。治。古。則。人。莫。觸。邪。及。陷。乎。戾。又。直。輕。其。刑。芳。是。殺。人。者。不。死。而。傷。人。及。盜。不。抵。罪。真。鳩。氏。既。失。厥。官。芳。全。天。氏。泯。其。美。意。眾。愛。然。得。以。文。致。其。說。芳。請。澤。吻。摩。牙。之。可。恃。彼。傳。生。議。於。所。欲。活。

方所欲陷則予死也。且上觀下接以取媚於時好方。類韓盧之攫兔。米炭
納鑿之不相入。方固易足以稱大君子之門。有是心而弗能盡。方疾痛疴
痺亦不切於吾身。善乎龍眼之論方。能自杖也。而後扶人。思余躬之博太
方寄審克於方寸。彼桃蟲之肇。允方遠雄鳥之拚飛。回遊飯而參殺。人方
匪余行之可迷。不倚榜掠以事上方。柳士師三黜其猶未悔。駭之哉。欲明
辨而力行方。又特博學切問而近思。汪彥章詩。盡心堂為張丞相題。進
林岳巖天下無。下有萬頃之重湖。群山奇變水清瀉。紫氣合沓來中區。張
公扶持宇宙了。天與此境為公娛。煙雲冲融几席上。幻出百態供朝晡。那
知公亦寓焉耳。胸中炯炯如冰壺。平生忠孝心鐵石。不磨要與茲山俱。向
來卜築營草木。汲汲可嘆平泉愚。何如坐以眼為界。卷藏雲夢吞衡巫。主
人歸來頭正黑。劍履未給黃門扶。我雖忘世世不爾。唾手行取東西都。誰
云古今不相及。今見謝傳東山圖。史遷峯先生家。集曲士懷軒裳。銖寸較
得夫。紛紜戰寵辱。矛盾相撞扶。大方惟達人。天遊寄虛室。卷舒懷由已。出
處要無必。時來作砥柱。一起當療疾。時去收龍蛇。天矯自超逸。隱見了無
礙。妙迹那可詰。我公天人姿。宿有補天術。心宜盡心理。心靜與天一。當年
風雨會。黃道賓出日。乾坤方磨瑩。堂庚入憂恤。神鋒指幽燕。前領將奔鑽。

永樂大典卷七千二百四十

七

世數有長消。思思謝替載。歸來卧林藪。道自無伸屈。慶堂示餘彥。親洒銀
筆述。聊遺耶人斤。千載斷妙質。定應山水觀。中興胃趣匹。仰看衝雲飛。雲
靜山岑嶺。俯躬相流水。舟楫空蕩滿。可憐天東北。狼煙暗鬱律。神州見蒼
莽。悲風為蕭瑟。再拜頌有期。煙輪勿輟轡。天心的民言。公再調鼎實。風建
驅八荒。遊

正心堂

江州志 郡通判廳右有正心堂。王述建。初名吏
戲。須一出。 隱 劉之銘。潼川楊子忠。往歲徙居城北。取大學

先正其心之義。以名堂。未嘗與時違也。余別子忠三十餘年。子忠求余記
之。未暇也。而為銘之。銘曰。心本中虛。在易為離。曰離乎正。非有它岐。譬
諸北辰。居所不動。正一而已。率制六用。不得其正。七情所移。匪心則然。不
速復之。利欲紛紜。汨喪物則。語以格言。匪笑而惑。我友楊君。家學靡忘。於
衆笑時。揭名斯堂。昔者黨獨。先生實與。胡潼川先生也。邇年偽論。子乃弗
頌。德與君游。三十載餘。我實愛君。不變厥初。傷者幸今。共由大道。我銘子
室。可與

存心堂

鎮江志 通判南廳。在熱門外之西。堂曰存心。林中
建。建康志 堂在上元縣。縣西偏。景定三年。知縣事

俱老 臨印揚。應善初。建取程純公語為扁。陳坦姚公布得為記。潛使陸公景忠
書丹。明齋劉公震孫鐵菴楊公應已。科舉李公伯玉皆為銘之。姚希得記

永樂大典

卷七二四〇

今古子男國宅生百里位雖未公卿心苟在焉譬之水流斯爲川惡知其不澤物邪上元爲建鄴赤縣近市不驚治所西偏舊有堂扁曰存愛蓋取純公程子存心愛物之語歲久屋老凜焉將壓景定三年臨卽楊君應善蒞事未暮月榭紛爬垢撤故以新易召存心其義一也廣庭闢其前方沼既其後生者樂意可玩可適齋心燕興與神明對景前備之法言儼函丈其如立昔純公主是薄且樞是邑均田塞隄脯龍折竿載諸傳記皆仁者之爲異時嘗於今宰生處嘗視民如傷四字其言愛物濟人謂一命之士皆當以此存心博哉仁言乎楊君神賢志可尚已堂成屬記於予予曰虛靈之府萬善皆具寂然不動之時與天地萬物爲一苟能廣而克之其仁不可勝用仁人心也心主是則仁不主是則欲去仁存欲富貴所克也嗜好所嗜嗜也夜氣不替亡者幾何聖賢論存與不存惟於多欲寡欲上秤亭分數蓋欲寡則虛虛則明明則油然而生者皆仁矣今夫百里之官夫豈念不及民而常苦於簿書期會之不給由是狀邑曰難目邑曰債激精神竭智力濟斯斯已矣償斯斯已矣終更而去之無異釋重荷厥或告之曰民胞物與也徒有覺然而已嗚呼聖門仕學每於今宰乎觀千室之邑民社之寄蒲之三善武城之學愛隨試輒效豈是心法縣雖割頌吾所

永樂大典卷七千二百四十

八

存之何若純公聖賢者流豈欺我哉後之登斯堂者所貴乎體公名言克我實踐其母曰力不足也通議大夫試刑部尚書沿江制置使知建康府江東安撫使行宮留守兼權准西總領姚希得譔朝議大夫集英殿脩撰江南東路計度轉運副使陸景思書丹并題蓋通直郎特差知建康府上元縣主管勸農營田公事兼方手率兵軍正賜緋魚袋楊應善立石劉震孫銘士自一命以上苟存心愛物於人必有所濟此明道先生程純公語也先生嘗以上元簿正攝令後人因摘存愛二字以名堂歲久頽圯臨卽楊應善來爲邑始撤而新之小易其名爲存心屬劉震孫書之且述先生之旨以爲銘銘曰孰爲人心心苟即仁其端則愛其德曰生聖人以此守位君子以此表人士自一命皆可及民惟今之職於民尤親苟存心於愛物知分殊而理均疾病痒癢舉切吾身賦歛必薄徭役必輕刑罰必省幽枉必伸姦賊必去困窮必矜皆此念之流布貫四時而常存一息間斷私欲外乘已與物隔如越視秦野有鐵浮里有呻吟暗之不見聽之不聞作於其政毒流害深剥床及膚或萊至根虎豹不爲猛蠖也不足驚彼同胞且弗卹而况於滂池之周吾山林之斧斤此仁與不仁之異而存與不存之分今登斯堂其輝嘉名純公在前毋貳爾心楊應善銘 奉禧問論

者謂今宰受地百里古公侯之國今受辱役於郡若部不得與判司小吏比。凡郡若部之府史胥徒皆得辱縣令宰士大夫百方巧計爭避於令宰。國家百方立法迫逼為令宰有不為令宰或為之而適其歲月大吏得交劫之必使為令宰乃已。蓋數十年前已如此。今取之殆無以異而加難焉。吾弟應善志元以大帥尚書姚公之辟出宰上元公聰明惠愛視郡邑如家待寮屬如子弟。凡令宰所難不以為病。縣治舊有堂曰存愛實用程純公語歲久頽圯撤而新之更扁存心公為之記。予語志元是心所以能存其存者抑有跡也。為之銘曰。方寸之運虛明公博六合可彌操之而存舉斯加彼善推所為古之從任志於行已位無崇卑吾心所及吾力未逮惟物忘之有例于中爾病予憫為稷溺飢須臾不存瘁痛莫圖杞魯瘠肥彼夸毗子夷言躡行謂心可欺而狼疾人自謂勿能則亦勿思河南夫子樂顏之樂自任則伊與物為春視民如傷內恕所推仁義之言式毅多士為百世師李也學製筆新斯堂景行前規嗟惟宰邑展布之難莫甚今時星符州檄繭絲保障心勤力疲簿書眯目敲榜犯慮所存義布不遇其長弗獲乎上民不可治堂堂橋翁威風大體忠信惠慈李也何幸祇若教條二天我私公非爾私繫矩之學百辟表儀李吾語汝勿替此心念茲在茲宋

永樂大典卷七千二百四十

九

黃裳演山集存心堂詩 寄題存心堂因簡正仲運使 有樂不在物况當仕而優外驚乃自苦作德能日休身計苟未適安能為道謀。基址更所寓得地東南陬經營喜來子闡輝嘉毛侯。紛囂落寂境蒸鬱回素秋。事少德機靜風微花信幽。林梢鳥相應日閒絲自遊。中發靈臺光下照鹿池流。神怡况味遠意虛才智周真見造不滅妄想降無求。所示良可助所超安可躋。公以存心堂記見示會合果有道寧復嗟阻脩。國朝胡樗隱集記 君子之務於存心者何也。蓋心者性之邪邪其蘊之為四德發之為七情皆心之所統。故心之能存則性得其養情無所縱而後為成德之君子焉。清江黃氏遜志之令子曰子範為郡庠上舍生名其燕處之堂曰存心。因某氏斬余為斯堂之記於是記之曰。為學而存心者一也。而心之所存者非一也。存心以敬。主一無適。必常收斂。必常惺惺。故曰一也。四端發見隨其所遇。故曰非一也。其存心於仁乎。仁莫大於愛其親。小而至於伐一木。殺一獸。必以其時。是亦仁也。存心於義乎。義莫大於敬其長。小而不妄予。一毫不妄取。是亦義也。存心於禮乎。禮之大者在安上治民。小而不妄予。一毫不妄取。是亦禮也。存心於智乎。智之大者在窮神知化。小而識昆蟲之變化。辨草木之華實。亦為智也。嗟夫。心雖方寸之微。而包

括天下之理。君子欲是心之存。非徒寂然而不動。必也感而遂通天下之故。以之魴躬。以之樹勳。為忠為孝。成跡於心。子範將跡郡學而升之成均。薦之春官。其莖仕有日。故告之以是云。

清心堂

建康志堂在府治設廳後。即經武堂舊基。紹興十二年。葉公夢得建岳陽

志。趙侯汝歸所建。在新治設廳之西。江州志瑞昌縣有清心堂。在廳東。廖公輔記。東鍾建。龍泉縣志堂在廳後。邑人郭勳記。今重新脩葺。蘇州府志堂在崑山縣治南。知縣葉子強建。初名讀書堂。後人改今名。毗陵志堂在宜興縣廳西偏。舊名悅堂。政和初。邑宰王師復重脩。方易今名。李白贈三從姪宰義興詩云。琴堂向山開。乃今之正寢。非遊息之地也。輿地紀勝堂在漢州伴廳。文同與可為伴日造。湖州府續三陽志。湖州郡治。太守之廳。事由儀門東偏。以入公堂之後。北曰清心堂。實燕寢之室。潮州圖經志堂在州治治事廳之後。游侯義肅重建。東陽志堂在蘭溪縣廳後。清漳志堂在漳州府。實慶丁亥。伴黃宦作。自為記。恬軒趙維善其畧云。高而非華。簡而非陋。纖塵不到。真趣自如。文書希有。為驚休退。宴坐靜觀。怡然自得。宜春志在虛舟之後。郡守沈昭遠立臨汀志堂在福建道院之左。有樓曰覽勝。郡守朱公詵隸焉。詩云。千里有餘月。一堂聊賞心。庭虛延遠吹。簷敞

永樂大典卷七千二百四十

十

受繁陰。休吏簾初下。志懷機自沉。人間足塵土。無路到清襟。温州府志堂在小廳東。取御製文臣七條第一條名之。太守領客居是堂。新江志郡城東三里龜湖之上。侍郎矩齋張頴茂。德清園內有清心清白二堂。韶州府曲江志郡分司中慶堂。左曰清心堂。不存。鄱陽志堂在安仁縣治之東。紹興二十七年。李彬建。舊名畫室。又名雙清。四明志堂在芙蓉堂之西。宋隆興癸未。守趙子滿建。赤城志堂在黃巖縣民和堂後。舊名清畏。紹興二十一年。令楊津建。三十二年。令胡建。改名清軒。嘉定二年。令劉再孫更今名。初。林為言。觀香賦詩。有所貴知我布。已及魚與豚之句。建謂清園不當求。人知。亦不必求人知。遂去。吳宇直。揚日清心。射鄭伯熊詩云。樹蕙餘百畝。藝蘭當路岐。清風一披拂。香氣無不之。胡為楚繫佩。辱我幽靜安。小草生澗底。雨露無恩私。不入兒女玩。歲晚得自持。所以古君子。清德畏人知。温州志堂舊在府治小廳東。楊守蟠詩云。前後坐亭上。飲水皆自持。其間賢太守。誰復畏人知。呂守由誠詩云。巧結高堂舊園中。坐馳萬慮入真空。軒墀不使纖塵染。几席寧容俗客同。夜榻卧看池上月。晚鐘吟聽竹間風。此心所得無多事。要使塵汗一洗空。蒲陽志堂在興化府小廳之左。北向。天聖六年。太守李餘慶創。有太守曹。昔古夏日清心堂。楊起詩。又太守徐師

閩嘉後諸刻于聖紹興二十年太守陸渙更名三瑞。舊志載是年有五邑
鶴華于大廳格木之上。芝草產于後園。表方而峻。濡須志堂在道院後。即
舊道院基也。實祐三年陸叔初造堂。後主廊六楹。繞深明徹。名曰中齋。左
右相向為二閣。取柳子厚名永州東亭之意。左曰朝室。右曰夕室。廊齋容
容之多者。無出於此。涇川志堂在舊縣治之後。不知何人所建。知縣林淳
詩云。有來即應我何慚。清畏人知已是貪。吏散庭空無箇事。一輪明月印
寒潭。堂久廢。建寧志官廨有堂曰清心。韓公元吉作。曾公吉甫嘗有詩。今
鏡于壁間。謝公似所作南山記。石刻見存。保昌志堂在州小廳後。瑞相堂
前。左偏有齋曰生齋。右偏有屋貯書板為印書局。郡守林暇聽訟決事于
此。生齋。今移于廳後。無壁來。印書局。今移在書表。月東。呼。永新志知縣
廳有清心堂。皆趙不愆置。今廢。安福志主簿廳在縣門內之東。有清心堂。
乾道七年。陳謀所刻宋黃震集撰萬載縣尉清心堂記。萬載縣尉妻
君撫人也。余未守撫。君已官萬載。未有半面雅。而書郵絡繹。過於平生。惟
豈臭味之同。以余為可語者歟。余既叨恩司臬。將行。君又貽書謂尉。屏久
權前尉。皆莫之居。今始葺之一新。扁其堂曰清心。願為記。余於是益有以
覘君之所存。凡前此之書郵絡繹。非世俗翕翕熱矣。然六經無清心之說。

永樂大典卷七千二百四十

謂心當養之以清。其說方自荀卿始。其後荀勉謂省事不如清心。宋環謂
清心則庶務可簡。是皆惡天下事繁多。欲澄其源之所自出。直指政本而
言之。尉居百僚底。自朝廷諸司。若州縣。凡事無不於是乎委。事之繁簡。夫
豈由我而欲清心以省之乎。余初筮以尉吳門。事之以非理而來者。紛乎
如麻。余雖不能清心以省之。亦嘗清心以應之。上惟知有皇天。下惟知有
百姓。惟勢惟貨。惟來。一非所知。此心既清。事亦徐就條理。由是知清心以
省事者也。制命於上者也。清心以應事者。承命於下者也。尉最早官。法當
如是。不知余之心。亦有合於君子之心否。姑書所身試者以遺之。君石南
良。戊辰進士云。咸淳九年癸酉二月十五日黃震記。國朝朱伯賢白雲
葉清心堂記。邵陽生過嘉興縣大夫高昌用和之清心堂。大夫曰。主人
之始。受衷于天。心寔主焉。清心之要。某未之察也。敢請生曰。在昔大道之
世。聖神御極。事功已著。其傳心者。吾弗能聞也。大道既隱。教政下焉。托空
言以明心法。予又奚知。大夫曰。子切勿讓。幸教之。生曰。心也者。知也。天地
之仁。五性之藏。人之神明也。思存於幽。則其顯焉。道藏於密。微莫甚焉。出
入無旁。執操其要。美惡不形。孰測其幾。聲色不睹。孰適其正。約其情。窒其
欲。清心之要。與是故。疏濬不至。茅塞之患。滋緝。熙或間。光明之弗章。心欲

永樂大典

卷七二四〇

清得乎。古之君子道。諒以為與。禮樂以為馭。別聲知味。辨色息爭。以為生也。味不知。則嗜生。色不辨。則邪生。聲不別。則淫生。爭不息。則害生。修七情。講十義。崇信讓。以正君臣。薦父子。以臨人民。以和上下。以交鬼神。君子之清心也。庸有一息已乎。是以擴焉太公。動靜不違其則。事物之來。莫有能適情者。郊則天神格。廟則人鬼饗。庭闈庭則順而雍。登朝堂則協而恭。施邦家則和而平。達之天下。變貊則於變而威寧。心之用不既清矣乎。此堯舜湯武周公孔子。由此其選也。精一不二。恭己無為。以著天常。示民有則。是謂昭昭。如不由此。在勢者長。在卑者殃。是謂昏昏。大夫其聞之矣。吾聞大夫宰劇縣。設制度。均田役。尚仁賢。為之民老。有所養。壯有所試。幼有所字。鰥寡孤獨。癘疾者。皆有所卹。男職而女時。家脩而用聚。教行而俗易。奸宄寇賊。不作。歌誦以形清心之效。莫此為著。予言其何以尚之哉。大夫曰。子之言至矣。盡矣。其未之逮也。而有志焉。敬受教。清津集清心堂銘并序。

大中祥符改元之明年。真宗皇帝嘗著七條以戒群臣。一曰清心。謂平心待物。不為喜怒愛憎所遷。則庶事自正。斯堂之設。高明奧埴。豈獨為燕寢自安邪。蓋朝夕於此乎治事也。故以清心名之。庶使君子下者。仰觀聖訓。知所以自儆云。知縣王朝俊銘曰。百里作宰。持心責乎。一喜一怒。奚

永樂大典卷七千二百四十

十二

敢徇情。如權稱物。無私重輕。聖有明訓。仰遵承。蘇東坡詩。海會寺清心堂記曰。余在無量壽佛閣西北。法照大師房。舊有石刻。今亡。南郭子恭初喪我。續曰。莊子南郭子綦曰。今者吾喪我。汝知之乎。西來達磨尚求心。李曰。傳燈錄載。慧可謂達磨曰。我心未寧。乞師與安。師曰。時心未與汝安。曰。覓心了不可得。師曰。與汝安心竟。師曰。達磨西來。不立文字。直指人心。見性悟道。此堂不說有清濁。遊客自觀隨。淺深兩歲。頻為山水役。一溪長照。雲霜侵。叔月曰。寺前之溪。發源天目。即錦溪也。下餘杭。即為善。紛紛無補。竟何事。慚愧高人閉戶吟。趙資道詩。燕坐都忘俗慮榮。小橋橫截跨幽亭。連漪池面翠開鑿。篠蕩庭心玉展屏。桃李並蹊春競麗。檜松公徑歲長青。我來每覺塵心豁。客至還同醉眼醒。喻良能詩。雨餘池水淡泠泠。霜後梅花照眼明。題作清心知未稱。此心元自不須清。東梅聖俞詩。寂寞外物亂。境清心亦清。彼皆居深谷。此獨處重城。夷齋食薇蕨。千古首陽名。元楊叔能詩。清心老人已仙去。家人洒掃清心堂。清心養德生百祥。後世有子如圭璋。其子才卿登進士第。君不見。深中多數阻。城府自謂萬事能。周防撫摩童稚涕泗滂。身後世結號風霜。清心老人思之詳。王惲詩。紛紛萬變一心微。止水能澄見是非。客去妙觀尤有得。滿簾春日靜朝暉。

登

心堂

陸游南唐書本紀。後主置澄心堂於內苑。引能文士及徐元機
 元瑜元樞兄弟居其間。中旨由之而出。中書密院乃同散地。兵
 興之際。御札移易將帥。大臣無知者。皇甫繼勳誅死之後。夜出萬人斫營。
 招討使但署牒遣兵。竟不知何往。蓋皆澄心堂直承宣命也。陳後山談叢
 南唐烈祖節度金陵之宴居也。世以為元宗書殿誤矣。趙內翰彥若家有
 澄心堂書。目才二千餘卷。有建鄴文房之印。後有主者皆牙校也。能改齊
 漫錄南唐北苑水心有清輝殿。張洎為清輝殿學士。別置一殿於內。謂之
 澄心堂。故李氏有澄心堂紙云。漫川志許端文為僧。肇知山作法相。澄心
 堂記。禪林梵刹。恭布天下。芳袍之士。持一餅一鉢。放意於林泉之間。賦
 若白雲。初無去住。雖曰達觀。而未能澄心者也。肇公知山則異於是矣。當
 年切落髮。謹持戒行。爰住法相。幾三十年。一椽一榻。華故鼎新。護持教法。
 永不退轉。蓋有不可思議之功德。為佛弟子之志。固已堅矣。作大因緣之
 事。亦已成矣。形可佚而居也。足可收而跌也。中心之所存者。亦湛然常寂
 也。通關寢坐之堂。而名曰澄心。且以示其休止之意。不亦善乎。一日。褚先
 生管城公從事於堂上。褚先生曰。萬慮擾擾。皆萌於心。六慾七情。未免牽
 制。如之何。而心可澄哉。管城公曰。噫。吾聞萬法本空。一塵不染。心未嘗不

永樂大典卷七千二百四十

十三

虛而清淨而明也。慾或汨之情。或遽之。則煩惱自生。妄想皆作。昔之澄者。
 今且濁矣。或澄或濁。在我而不在物。要在守其淵源。反歸其本可也。肇公
 知山了悟此理。方且游於斯。息於斯。默坐焚香。反觀內照。毗盧境界。舉現
 目前。譬如一淵之水。風靜波息。眉髮可鑑。不濁不擾。而常自若也。澄心之
 意。豈不明甚。褚先生曰。唯請記其事。予暇日亦登斯堂矣。瞻公面目。果如
 枯木人也。有諸中者。必形諸外。揭名之義。殆不虛得。於是擁管城公之說
 而為之記。以示觀者。紹興癸酉十月望日。無為許端文記。國朝錢宰臨
 安集澄心堂記。臨安張仲子賣藥于錢塘北市。仲子天性沉靜。往往以
 所居在屋市上。塵坐之氣。得以滑其心焉。作而曰。人亦有言。將為心監。莫
 先於水監。於是乎東走江。將以監夫水焉。則淅水潺潺。風濤爾蕩。之魚鹽
 之氣。日翳于目。心不得而靜也。既又西抵湖。將以監夫水焉。則穢流活活。
 汚濼爾滑。之淫哇之聲。日接乎耳。心不得而靜也。仲子仰而歎曰。二水也。
 源之不激。其何以激。夫人心哉。於是返吾北市。掩關不出。謀之屋外。得十
 柯之地。鑿池焉。築室其上。淵泉瀏清白石鑿鑿。上挹天明。下瞰深碧。扁于
 額曰。激心。庶幾擴吾耳目之官。以養吾心焉。一日。仲子絕江而東。謁余舍
 下。請余作激心堂記。俾知所勉焉。余因握手告仲子曰。嗟夫。心也者。神明

之舍也。其靜也虛，其動也靈，其寂也不寐，其感也不測。方其命之於天也，其清明專一之體固無不全。惟所束之氣不齊，苟不知所以養之，則利欲得以滑之，聲色得以惑之。清明者或濁之，而專一者或駁之矣。信能加澂治之功，俾復全其天，則方寸之間明明乎天地之府也。炳炳乎事物之鏡也。昭昭乎古今之鑒也。皎皎乎理義之淵藪也。淵藪乎表裏一致而洞達無間也。冥冥乎物我兩忘而俯仰無愧也。仲子言能以一勺之水而激夫心馬，必也一物不接，一慮不萌，使涵泳之久，決洽之深，則心與理融，水與氣并。湛湛乎淵泉之靜深，炯炯乎性宇之澄澈。吾不知心之入於水馬，水之入於心馬，心與水殆無不激矣。仲子其歸而蒸坐澂心堂上，仰瞻太虛，俯監秋水。天光落淵，寸心如濯，而理之妙洽乎淵泉，則澂心之道得矣。仲子其歸監而諸水馬有餘師。仲子名其宇宗禮。宋黃裳詩：澂心堂上閒來客，水與心同誰見得。微風不動波瀾平，無礙空中秋月白。沈逢雲集編和美叔詩：已悟無生杜世機，誰能操筆更題詩。平居赤軸粗有適，老去長齋不強持。炯炯色空群可計，紛紛多事豈煩知。有人欲識澂心要，但問君知我為誰。

淨心堂

宋陳憲記 嘉定二年冬，余起家守巴陵。越明年春，有詔奏事之鎮，士大夫迎勞于塗。咸曰：岳，最爾國也。而後

圓名天下，有山水之真趣焉。余心識之，泊秋八月始克至。少間，領客與俱遊，以質其言。蓋岳陽郡治西臨湖，而山環其左。若乳馬湖之浩蕩，渺瀰水天一碧，氣象固高，視海內而山自東旋北。岩峩紆徐，不覺不庫。地行斜折，其勢閑以深，有丘突起其中，屹若鰲負。曰：湖曰江，縈抱如帶。地靡南注，為黃堂址。餘皆一壘一掩，若肺腑然。山曲泉冽，涵空不流。林茂竹脩，宛在村墅。其景物之得於天者如此。故臺榭亭觀，高者曠如，卑者奧如。寒暑晦明，各遂其適。方目極重湖，神驚八表。眇焉有陵青冥，存汗漫之興。及轉至幽親之境，則收視反聽，泊乎無營。若與世相忘者，世之名區巨壘，侈園池以相謝。夷拓剝築，瑯鏡藻繪，殫人力之巧，望之如丹臺貝闕，神人之所宅者。固有之矣。求山水之真誠，未易班乎此。獨以守符屢易，因廢弗治，僅淫葺地。窻戶毀而欄楯刊，景之真者反流而為野。願駕肅稅，未暇及。又數月，郡政粗有緒，始以漸經理之。然一園行樂，固皆佳致，而余所最愛，惟浮光野泉二亭。夫曠如之景，接洶湧之勢，於軒檻，掬澗瀆之光，於几席。莫雄於岳陽。然公之二樓，然俯之太迫，反無餘味。唯浮光遠在東嶺，四山林立，湖湛其前。迥掛霄漢，倍覺有遐眺。逸企越不可及之意。真如之景，諸亭各據其會。然或得於坡陀之阜，或得於泓渚之沼，則容有未全者。若野泉掩映兩山

間。靈液感滂。潛與湖通。半壁其形。有盈無涸。平處回互。翠條周繞。龜魚浮
嬉。鷺鷥翔集。靜對凝碧。泠然如浴。沂而濯滄浪。填襟滌空。俗益辟易。不知
此身之為吏。而此地之為官府也。故特於二後為加詳。浮光舊規。雖偏而
地勢劣。容數椽。又當寒飈之衝。姑仍而并之。野泉則木老多腐。不可撐柱。
乃撤而一新焉。為堂三楹。前飛欄以瞰微瀾。後闢室以蔭清樾。既成而春
始平。首奉親輿以落之。繼是客至。必借觴詠。終日裴徊。不能去也。而笑曰。
久矣。昔聞之不逮。今見也。因歌杜少陵秋水清無底。蕭然淨客心之句。更
名曰淨心堂。客或問淨心之義。予起携其手。拊危檻而立。百慮一洗。相視
而笑曰。得之矣。
四年夏四月記

平心堂

瓊臺志堂在瓊州府郡治之北。王守齋
之山陽志堂在淮安府通判廳之西。亦名

西廳與地紀勝堂在昌化軍郡治吉州郡志堂在郡治小廳之北。宣和四
年太守陳城置赤城志堂在天台縣宅堂西。淳熙三年。令薛洪建臨川志
堂在設廳後。嘉定十一年。郡守趙公師夏重建。淳祐十二年。郡守徐公林
改曰思政。寶祐二年。郡守程公士龍復其舊。臨海縣志堂在廳西。仲剛
詩云。一泓不盈寸。天地同其流。微風相傾歎。浩浩懷山丘。半馬已不辨。况
能繼微不。我欲稱物施。舍是將安求。元劉將孫養吾集平心堂記 項君

永樂大典卷七千二百四十

十五

特懋之堂以平心名。未嘗自以為名也。而友朋稱之。鄉黨信之。以為深類
其為人。因以名於堂。以諭於予曰。何如。前脩之喻平也。嘗取於舟舟之過
重。乃得其所以平。若移左置右。其偏一也。諸葛公開誠布公。獨三嘆曰。難
平者事也。夫使我不得以安於平者。非我也。物也。我欲為大同。彼固與我
為立異。我欲無彼此。彼固與我為叮咛。平之不能以直遂為。吾心之累者。
皆是也。雖然。此勢也。勢之所起者不可挽。若吾心之所為平者。皆不在是
也。予嘗慨然於世之論平者也。往往以平不平者為平。雖古今豪傑功名
建立。快意於一時。而成名於百世者。皆不免於此。雷霆風雨之驟至。必有
偏枯而披靡者。江河之浩渺。蛟龍之洶湧。所遇而有。不獲其所者也。平之
道不如此。平而至於心。則如水之不波。萬頃一碧。千里如席。微瀾無驚。神
惟俱息。又如春之方霽。朝光蕩漾。山明川潤。晴薰芳艷。著物欲醉。蓋一念
付物而不動於心。物之至吾前者。不將而不迎。遇者如委順。感者如觸處。
心平至此。不有足樂者乎。嗟乎。世未有知平之樂。而求樂於平者。平而非
吾所謂平也。萬鍾千乘之祿。不如退食之從容。河傾海赴之禍。不如無事
之安樂。平之樂。不獨其可味。而平之福。固未有能知之者也。心如是。則福
如是矣。老聃氏以不為先為寶。而然然如春之樂。如在世外。吾夫子老安

永樂大典

卷七二四〇

少懷之氣象所以與點於春沂之趣者亦以其有相似然也予推平心之樂其平者於人事世故之間而極之於心習學問之外觀者不亦有省矣乎平心其能領此樂以安此福者不以予言為異於他之言平者也宋王會之詩洛龜負圖錫神禹其子陳範昇周武九疇自天倫既叙嚮用一以壽為主人生富貴何足數最要康寧安厥處爾其好德全付予惟皇之極必福汝君侯有德存此心居官居家堂兩銘強弱人已無留情湛然方寸如砥平揚揚處鯉雙超處指此良方垂後

知心堂

宋洪平齋集知心堂記 昔在

孝宗皇帝以盛德大業紹開中興仁不異遠視坤維威休如在陛極間過淳熙丙申秋七月制詔晉原李公藜以舍部員外郎總蜀賦望選也未上首奏利路和權為民害假臣三數月可永除五十年病根為國為民之慮目無全牛矣尋奏易之衷多益寡書之懋遷有無皆深寓理財至計臣願於經費中撥盈虛歛散之宜酌緩急先後之序通融排幹劑量取予盡變抑配舊法官自與農為市不虧豪忽之價不取圭撮之贏而軍不乏餉民不加賦其條凡數十其大節目十有一反覆熟究皆經久實利惟少寬籌策俾得其患上大奇之詔制置范公成大同詳度又詔度支郎周嗣武就

永樂大典卷七千二百四十

十六

殿利害悉奏所請可施行公以聖主難逢時幾易失亦連上奏願任責辨集其議三閱歲而堅定案全蜀餉道歲大約以石計者一百五十餘萬中六十餘萬科之遺氓量家業以定均敷之數名和糴實強取民不堪命怒咨轉聞聖明洞燭萬里一意任公以寬西顧奏始上非惟九重難之公卿大夫皆難之蜀之切於解劍垂者亦莫不難之而公見定守為慷慨論列不少折累書與同列辨難尤力訖如始議官糴民糶價與時為低昂遠邇謹趨輦負繼屬聲氣不動而軍餉給九州數十萬戶踴躍呼舞始知有生之樂家祠人祝之迨范公入參機密上問蜀罷糴可久行否范公奏以身保之上悅曰是大不易得錄舍部郎再進大府卿且嚮用遽以不起聞當守悼惜特予遺表恩庶官所未有也前是舍部論言有心乎愛民朕實知之之語越五十年其子昌州守瑪撥知心名所居堂仿聖賢際遇之盛示世世子孫以無忘先烈書曰亦越文王武王克知三有宅心灼見三有俊心以敬事上帝立民長伯又曰文王惟克宅厥心乃克立茲常事可牧人以克俊有德夫知人以其心為難人主之心存乎民而後能知人臣愛民之心知人安民所以為一事也方公領餉事上未嘗識其面朝虛相位中莫有主之者蜀世將怙勢各擅兵實虛實不容問而制閫初亦未即予

是議章前後上者十有三。墨書下尚書報可者八。變而通之以盡利。至于
 今嘉穎公獨恃上之明。上獨知公之誠也。此誠感動。豈一日之積哉。自為
 小官。所至以惠利著。西憲邊防十事之奏。權牧馬政七書之奏。興元歲旱
 免糴關隘守兵之奏。康濟一念。動切諸身。指陳利病。明白洞達。上久已心
 屬。至此簡知益深。雖媚將詭辭沮撓。而宸翰勞問至再。洞然不疑。君臣之
 際。毫髮無遺憾矣。趙充國奏屯田便宜。每上輒下。公御議臣。初是其計者
 什三。中十五。最後什八。宣帝既報將軍計是。猶兩從破羌。彊弩之畫。未為
 深知其心也。上之知公。曠千古而一遇者歟。然公之遇合。天也。非人也。初
 建議罷糴。關內梁洋諸郡旱而雨。關外階成西和鳳。皆大有年。糴價大減。
 天知公之心矣。此心上通於天。而天知之。君其有不知者乎。人臣患乎此
 心之不盡。不患君門之遠。天之高也。某日。宣于蜀。賢士大夫多為誦。資政
 黃公裳漢中行。及罷糴行。謂雪山可磨。汶江可竭。阜陵之德。公之功不可
 沒。且感今懷往。未有已也。昌州以廉寬守家法。進進為時用。嘗察有雅好。
 輒為梓所聞。以詔然彝鼎。吁王之蓋臣。無念爾祖。世光顯宜矣。夙興夜寐。
 毋忝爾所生。
 尚益懋之哉。

公心堂

元姚中伯記 至元三十一年春二月朔廣
 平杜公來主新昌簿。未至數月。邑人相傳將

永樂大典卷七千二百四十一

十七

有儒者簿斯邑。至果儒也。眾相與改視。易聽。以為前乎此。未始有儒而簿
 於斯也。一日大書公心二字于便坐之室。為之銘。觀斯扁。讀斯銘。莫不咨
 嗟。敬服曰。公者天地生物之心。而簿於物者。人得是為心。能克之。則民物
 皆吾胞與之同。天地皆吾氣體之塞。大哉公之為心。其不可勝用乎。然有
 是心也。則有是政也。公至之日。邑有獄不承。乃悉弛繫。榜笞。鉤撻。以理。
 不費辭。而情得。民復有二人。各以兒死。誣所怨。其一廷訊。其無實。叱去之。
 其一覈其詐。杖之。由是信服。不敢為欺罔。嘗以事至邑之新安。屏吏卒。在
 二田夫。掛往。所過無秋毫擾民。民大歡。其能文者。作為詩歌。書幣米。遮道
 送還署。先是斯邑。有少年三五朋。飲欲為非者。縣發其事。辜錮之。公為洗
 滌。俾朝夕聽講。擲校。庶幾循省。漸染。群少感激。頓盡改所為。為良民。越三
 月。意有所不樂。即移疾。其里尹屢造。卧內強起之。卒不肯起。卧病百日去。
 與里賢尹也。才尹也。獨喜公。喜公廉平。而儒者與已合。蓋是邑敬重儒道。
 自與里與公。啓之。近世人。鄙儒道為迂。而不切於用。觀於公之為政者。殆未
 可以為儒道鄙也。擲校之士。稱頌嘉績。命申伯記斯堂。而著之。申伯曰。公
 生明。荀子篇也。公則溥。周子書也。是皆發明心要之切者。公儒者。於斯道
 素講。而有得矣。惟明。則無所不通。惟溥。則無所不備。其於前數事。特如抽

絲之緒。才見其端者耳。要未足以盡儒道之大。公心之用也。他日以是明而溥者大用之。其所就不止如今所觀。愚不敏。尚當此筆續書于是記後。

公懋 **明心堂** 宋梅聖俞詩陳雖已先。嗚呼木葉漸歇。俯檻弄條枝。之哉。此心悟生滅。上人本高貴。孝父踐清列。而能厭世紛。

樂彼方 **立心堂** 廬陵志廬陵學在城東隅。講堂名曰立心堂。乃宋涇漢劉辰翁書額。外說 **誠心堂** 深水縣志縣後廡為潛心

三山續志堂在福建道宣慰使司都元帥府公廡之北。至元二十年。右丞蒙古互達剌。堂。宋謝無逸詩潛心便是覓安心。立雪何煩問少林。羽扇輪巾延客晚。蒲團禪板坐更深。要須先舟堅藏時悟。莫向風幡動處尋。試決教峯雲一寸。與

民三日 **寬心堂** 宋歐陽守道詩為琛上人題 今日有心還有累。作春霖。當來無窄亦無寬。難將世事眉雙皺。盡付塵緣指

一彈。煩惱不從生處有。應酬都向夢中看。不知向去寬多少。萬里秋空孤月寒。 **畏心堂** 宋文天祥文山集

取其家橫渠翁畏心一語為心法。稱鄉前輩。其子希明肯堂。取而名諸為家法。稱賢士大夫。抑天下危。其危者心。天下樂。其樂者心。操而存之防其

危。優而柔之會其樂。德從講學無不盡。希明有所受之矣。 **悅心堂** 薛仲止詩擾擾利名役。鬢

吾心。有道境常裕。無營味寂深。紛華安肯羨。出見更酣沈。 **會心堂** 宋韓流詩胃中有天遊。寓外

可借。杯酒得流行。放意而伸眉。茲辰我陽春。溪水多清姿。岸柳已青青。山花更暉暉。當筵主與賓。談妙尤克諧。雷聲忽送雨。雲風動情思。由來理性

真。肯計志願違。松栢獨也正。造物付之誰。歡笑酬座人。長言其勿噤。 **虛心堂** 元一統志宋韓魏公所

虛心堂詩 余嘗愛此君。中虛外有節。手植數年間。萬戰競森列。為堂於其中。一境遂清絕。雖歸臨本邦。事宜免羈縲。不得時相親。固負好風月。方

將乞殘骸。就第養衰拙。孤懷造荒閭。直氣卷金鐵。終日對暉娟。卒歲伴高

紫。春來忘芳菲。夏至失炎熱。秋深交嚴霜。冬暮映積雪。居無一不宜。蕭傲

連塵蝶。茲樂期誰同。實係長者轍。相從挹天真。共話到禪悅。替簪芳冠

簪。拉筇屨。林折乘醉卧。疎影敲玉應。仙闕此志虛。未遂對酒方輕別。 **賞心堂** 輿地紀勝堂在光州。乃舊堂名。今斷碑中有茹今。芭賞心堂記。而無年月可攷。 **古心堂** 宋

鶴山集古心堂銘 人心之靈神明所舍。至近而遠。至微而著。毋云不說。萬目做睹。毋自菲薄。可舜可禹。往古匪前。來今匪後。今吾子遠。有闕于愈。乃以古心。扁諸壞堵。古前之今。今後之古。先民與我。異宙同宇。氣有沈淳。俗有隆污。心而古今。是二天下。勉哉江君。天實厚女。毋問於子。請研諸慮。

得心堂

鄱陽志堂在東廳之北。舊范仲淹名玉芝。今史定之移其。名於城上之堂。更今名。取吳芮得江湖間民心之義。龍泉志趙蕃詩為龍泉令趙舜徒題。誠能得初心。何必返初服。有以固中局。不須防外逐。

得初心堂

鄆州志來

劉坦得初心堂記 衡南入嶺且老。荒嶂密葦漫數十里。無燧煙。柳水忽。淨清瀉東注而下。瀟湘攢峯。藉蔚中聚。茅舍百餘為邑。曰永興。俗悍以輕。撫字失宜。則峒落往往擾動。領邑者常不樂至焉。至者亦不堪其寂。官舍朽敗傾欹。苟歲月代去弗治。丁君為之宰。始至。觀溪山澄深。松竹條茂。憶韓句欣然得讀書之趣。乃闢縣齋。以得初心名之。而屬坦為記。竊惟學道愛人求諸心也。有社有民。何必讀書。自仲由已有此論。漢以後未甘心俗吏者。亦不過借儒以飾治。詩書之澤不及於民。豈但為一邑嘆哉。公之令奉期會。意賦租。目不暇涉。書心之存焉者寡矣。畏於斯者。事簡以暇。終日

永樂大典卷七千二百四

十九

對松竹吟誦其間。是心亦可以求矣。雖然。人固有是心也。心固有是初也。勿夫而已耳。求諸紙上。玩物喪志。惡在其能得哉。君必有得於書之外者。君名濂。清江人。五世為儒。皆擢名科。號月橋。丁氏嘗扁其居曰紹志。任焉而心不失其初。自謂得家傳之學云。淳祐四年歲次甲辰九月己亥朔。三

衡劉坦記。廬陵劉洪範書上鏡徐元傑題額

素心堂

元劉中齋集為廬陵鄆圖南素心堂記 素心堂者廬陵鄆圖南

讀書之所也。初圖南其先人樂南村山水而居之。自號南村老人。圖南因取陶詩語名堂。以示繼志。且求余記。余惟圖南學古之學者。其知素心也審矣。何以余言為。於是余交羅啓初方為圖南請。則與之言素曰。昔者舜若將終身於飯糗茹草。與若固有於衿衣鼓琴。皆此心也。昔者夫子飯蔬食飲水。此時此心。為魯引冠。墮三都却菜菔。此時亦此心。於陳蔡於宋。於匡。此時此心。使夫子逐居夷。遂浮海。此時亦此心。是心也。惟魯點春服童冠浴沂詠歸近之。啓初曰。子之言美矣。洲明疑不足以與乎此。余請謂啓初言洲明樂莫樂乎洲明。然洲明此樂。不過飲食起居之內。不在洲明一身之外。則猶點也。何以知之。以遊春賦時運知之。夫洲明固嘗為州祭酒。不辭矣。至於主簿召則不顧。又嘗為鎮軍建威參軍。不辭。彭澤令不辭。

永樂大典

卷七二四〇

矣。至自免去官。雖公田不及獲。亦不顧。去家八十餘日耳。見稚子候門而喜。松菊猶存而喜。有酒盈樽而又喜。流憩遐觀。見飛雲歸鳥。無不可喜。至於尋壑。經丘。見榮木流泉。萬物得時。尤可喜也。然後登高而嘯。臨流而賦。為。雖悠悠。浴沂間。詠以歸。不曾過也。夫曾點行不掩而志及之。淵明學不足而趣有之。皆素心也。圖南守先人丘墓。與田廬以老。可謂素其位矣。由淵明而過曾點。由曾點而過夫子。與虞舜。又得其心焉。此圖南之素學也。以是繼志。使後之繼圖南者。世無忘。將南村山水。世有無涯之樂。南村之人。有不為郭氏宰。顧之者乎。以是為記。

見心堂

元劉將孫養吾集見心堂記 天地之所以異於人者。無形體之累也。而奚獨有心。人心之不同。所謂不可知者也。人者如不可知。而天地者乃可見。然則非也。聖賢之心。與天地之心。故指其可見者。以啓後之人。夫豈獨見其心而已。其隱其蹟。深極而幾研。其至也。與之同流。故曰乾者天之性情也。性情猶可識。而此心乎。天地之心。一言而可以盡者。生意也。然生意者不在於春。而在於冬。聖賢之所謂見之者。不以泰而以復。復之所以為心者。以雷不以乾。而復之為雷者。又潛於地。而未升於天。吾嘗求見心於陰陽升降之間。而知天地之不得已者。往往而如人也。造化莫大於陰陽。

永樂大典卷七千二百四十

二十

而陰陽之極。為水旱。水旱之亢。若恒。所以變動而開闢之者。莫神於雷。而其事亦動且苦矣。夫水陰極也。方時茫茫。而濛濛者。六合而一雲。其蘇蘇出日而適以增雨。夫早陽亢也。如快如焚。片雲者。興焉。或陰不足以敵火。辟歷之所回旋。常五合六聚。垂垂欲澍。而一離一散。卒不能為霖霖之潤。當其驅風走電。傾河倒海之不足。而寂然悄然。亦若無可奈何。而聽之若數。蓋天地之心。於是而可感。而復之道。亦若是矣。閉塞之不得。不然。陰陽循環之不可以已。猶水旱之不能以運平也。天地豈欲以陰陽為人間。冷哉。直一氣之積偏勝者。有所不免。而入於過。及其過也。天地之力。不能使之回。而雷者。不嘗不經營是間。此所謂心也。復之為道。非失而後為得。無而後為有也。持一往一來一消一長之間。於其動而悟其本。然者焉。此所謂心也。古今運數之推移。治亂之反覆。仁人志士之所為驅馳展轉。聖賢憂患之所為不改其操。亦以待於茫茫。俟百世而不惑者。皆有見於此也。微此心。亦且無以為此世。豈獨雷也哉。古文劉見心。篤厚學者也。天地陰陽之理。無不講。風霆志氣之妙。無不通。於虛舟羅公為師友。潛心合道。出天人神。以見心名堂。四方歸之者。如虛舟。吾嘗連日夜與處。靜慮而不眩。

沉深而純守。即其脩於中。養於中。有以為之本矣。是堂也。吾先君子須溪先生書之。許之記而未及作也。間以屬我。抑君之所見。君所自知也。備不可以言傳。予也。敢與之哉。予言特得其所可見者而已。於其不可見而見者。亦不能得於言也。昔康節伊川。談雷之起。而曰起處起。人皆以斯言已得其微。予獨疑三語也。如有所不及竟也。知天地之心之所起。則知雷之所起矣。而復者見其心起也。又非其所以起也。君既深於其理。而知其情狀矣。必見其所以起者。尚願從君於斯堂之上。而講之也。君名朝瑞。字祥史。世家古文之江口云。大德十年丙午。下元壬子。

洗心

堂

輿地紀勝堂在江陰軍君山寺。曹謝呂天策有詩。僧仲殊亦有詩。曹謝詩。清光秀發水雲鄉。不見騷人意未降。風塵柳梢低酒舍。月

移松影上僧窻。山泉漲起潮三尺。野老釣歸魚一雙。更待練光斜襯日。坐看金牛熨秋江。呂天策詩。鳥鳴山更幽。吾廬一甌大。暑氣日焚燎。肉山漸欲摧。性命那可保。華堂納虛明。結屋上林杪。板牘此間來。乍喜脫絆擾。斷虹錦連卷。驚濕玉顛倒。晴沙四十里。一日生可了。將歸復班荆。更遲江月皎。何當製芙蓉。唱棹入魚鳥。憚暑廢百嗜。飄然念遐征。願欲控溟渤。與世瀟煩蒸。並舍松桂合。翠光浮棟樞。時時厲清響。管磬琵琶箏。數床

永樂大典卷七千二百四十

二十一

陰其下。新竹瑩寒水。自足當兩部。妙處詎難名。候涉淪琴月。欲赴松風鳴。詩成定清切。已作寒蛸聲。攜手日不足。暫憚心已慳。况復共理策。相從山水間。晴江照遠岫。曉鏡堆煙鬟。玄蛟忽洶湧。大浪堆銀山。吾郎氣吞納。為之髮衝冠。詩材入意底。妙斷寄毫端。我衰如病驢。蹙躡那容攀。且乞置是事。不語借刀鐮。登山午未飯。已覺疲發腰。飢腸轉空雷。圓頂已三請。為享玉龍醪。咄嗟辦湯餅。顧非大檀越。勸勞久逾放。晚賜玉色醪。煎甲黎花瑩。浩歌不知疲。木杪挂飛鏡。人生行樂耳。那能與時競。試與芙蓉子。後會約君更。環沙鏡沃壤。農工斂鋤耨。青袂擁翠被。大堤蔽吳牛。魚商蠻捺雜。結屋桑柘幽。翁婦顧相喜。占風知有秋。吾儕拙生事。腹果即無求。平豐預有託。一飽不難謀。鍾鼎固樂矣。其樂如是不。未可議鵬鷄。冬盡消搖遊。又為揚中正供奉題。閱閱盛山西。朱門曉戟衣。雅知名教樂。深笑宴遊非。一室琴書溢。三年剝園掃。異時論事業。肯復讓輕肥。僧仲殊詩題君山洗心堂。朝隨初日上烟沙。極望淮南樓心堂。宋蘇子美詩。不見涯。今日江東寒食節。春開桃李自開花。樓心堂。宋蘇子美詩。樓心。不欲塵累相追攀。冷灰棄木極清敗。雖有善迹。輒自則予嘗浩然無

所掩與子異指亦往還卷舒動
靜固有道期於達者誠非艱
如心堂 永新志知縣廳有如心堂
在縣治之西隅臨汀志堂

在長汀縣正廳之東
嘉熙間宰朱起元初
廣心堂 溫州府志堂在郡
治紹興十六年建
印心堂 朱

忠定公集印心堂序 右文殿脩撰羅公既以家所藏佛菩薩書五千四
十八卷於寶峯栖雲禪院建大寶藏莊嚴安貯轉大法輪使見聞者無不
蒙益以作佛事又於藏殿之西相地與壇構大經堂集諸淨侶同閱秘典
規模宏深廣博嚴整雲山妙色泉石清音長在耳目助發實相誠勝事也
堂成以告梁谿李某曰子其為我名之某後進晚學不足以知佛法深意
辭不獲命則為之言曰昔菩提達磨得正法眼藏於西天祖師而來震旦
為第一祖其法不假文字直指心源無諸修證見性成佛宜於經教在所
擯弃乃以楞伽阿跋多羅寶經四卷付之二祖曰此經可以印心祖祖傳
授以為心法是知禪教相融初無二門心語相印亦無二法豈特楞伽四
卷為然哉諸佛菩薩為一大事因緣出現於世欲令眾生開示悟入佛之
知見大十經卷億萬句偈自然演出無量妙義以我所得正法眼藏返觀
佛語及菩薩語譬如以印印泥圖模點畫膠然契合然後乃知心外無佛

永樂大典卷七千二百四十

二十二

周漏法界同一真體第一義諦何以故文字言說皆解脫相無差別法故
以是看經是則名為具看經眼今右文公深植善本信根堅固了達諸法
深妙之義超出世間得法眼正而能慇懃教典建藏構堂與具眼人結看
經社精進勇猛無復疲厭豈非以經印心如菩提達磨之所謂乎伏請名
堂曰印心堂某既已名之又序其所以名之之意獻于
公且告後之學者時宣和二年三月二十四日謹序
約心堂 趙

儀可青山集約心堂記 彭東周取昌黎復志賦語名其讀書之所曰約
心余問於東周曰子知昌黎復志賦之所由作乎子樂甚昌黎何能及也
東周末達余曰復志賦之作也昌黎從隴西公於宣武意必有不得以行
其志者故其為此賦自述平生坎坷歷落無所不至其詞大槩嫉貪佞之
汙濁懲此志之不脩而曰苟不內得其如斯方孰有不食而高翔吾然後
知昌黎之所謂約心也君子讀書為士莫不各有一初心自古聖賢出處
此身可困可危而不可以負吾心之約負約於人猶曰不信吾與吾心言
矣能愛富貴而食言乎雖然一行作吏不得以如其約者多矣異時入幕
視案牘引筆據理可自銜袖進大吏不可其意不得不小回互意終日鬱
然不樂遇事欲慷慨論列顧孺人稚子伊嚶涕泣止雖守道君子不以勢

惟私能動其心。然而不得以如其約者多矣。蓋雖強如退之。所謂不食高翔。亦何嘗盡行其志。任宦累人。從古則然。而况吾世。今吾東周。幸脫科舉之累。而無任宦之役。堂有可事之親。索有可讀之書。浩然俯仰。豈不可。以得君之初心。故曰。君樂甚。昌黎何能及也。君讀書為士之初。所與此心約者何事。豈非欲為聖為賢。豈非欲窮則獨善其身。達則兼善天下。今雖未得以遂。無善之願。豈不可以如獨善之約。願君夙夜無負斯約也。與心約而負之。對鏡窺影。必有覩然于其面目者。此即心之我責也。今世累累若若。決非我與東周所可徒手得。幸而得之。必有負其初心者。故不為東周願之也。東周起謝。自有天地。而此心行乎其間矣。傳有之。人曰。如約遂書以為記。

此心堂

宋趙儀可青山集此心堂記。自有天地。而此心行乎其間矣。傳有之。人

者。天地之心。均謂之人。則人人皆天地之心。自羲農皇帝堯舜以來。所謂開物成務。所謂位天地育萬物。人人皆當視之為己。心事。願用之有大小。爾。吾鄉鍾君瑞伯。醫士。名其堂曰此心。瑞伯此心。即自有天地以來。此心。書曰。欲並生哉。天地間有一人焉。不得其主。於我心有戚戚焉。古之聖賢。所以皇皇汲汲為斯人計者。凡以自盡其心。而非為他人計也。况此心也。以為醫。即何暮夜風雲之敢辭。何金錢豐約之敢較。瑞伯挈此心以名堂。

天之明命。繫然心目之間。所以發深省者多矣。自古聖賢之經世。皆醫也。是之世。患在洪水禹醫之。夏商之。李患在無君湯武醫之。周成王之。時患在戎狄。猛獸周公醫之。春秋之。患在亂臣賊子。孔子醫之。戰國之。患在楊墨。孟子醫之。皆此心也。自漢唐以後。雖號為賢君相者。亦不過隨證施治。以偷目前之安。而千百長治之計。莫之省憂。此心不盡者多矣。吾為瑞伯記此心。疊疊及此。欲君知此心之體之大。益充而盡之也。吾老矣。所謂聖賢經世之事。無復夢見矣。願自少時。亦嘗有志於岐黃之書。而未得其說。旦夕當升瑞伯之堂。叩心法焉。故樂為之記。

一心堂

國朝蘇平仲一心堂記。浦江多大族。而傳世之久者。有黃氏。黃氏先基之在。花橋者。見于開元十道志。其族散處邑中。而邑中之族。水閣。惟盛。水閣之族。則逢原兄弟。家良。逢原之諸父。出分久矣。至逢原任其家。乃謀于諸父。復會居而合食焉。室廬之異戶者。通于一。田園之異籍者。歸于一。財賄之異藏者。聚于一。什器之異用者。司于一。奴僕之異主者。聽于一。而一心名其堂。會余歸自南京。遺其子宿來。謁記。惟我仲姑實為逢原之祖母。則余於黃氏。固姻家也。誼不得辭。乃記曰。三軍備一人。曰進而俱進。曰退而俱退。余嘗見之矣。一家猶一人。曰耕而俱耕。曰織而俱織。余未嘗數

永樂大典

卷七二四〇

數見焉。進而無不進也。退而無不退也。此之謂人無異志。夫然故出戰入守相救相助。無不至焉。不惟可以共主。而亦可以共死。耕而不皆耕也。織而不皆織也。此之謂人各有心。夫然故借鋤取帶。勃篋闔牆。有不免焉。且不可與共逸樂。而况可與共患難。夫三軍衆也。踈也。一家寡也。戚也。心之一也。雖衆且踈者無弗親也。而无生可共焉。心之不一也。雖寡且戚者無弗離也。而逸樂不可共焉。此同居非難。而一心為難也。有求者。知率家敦行孝弟。而不知以心感人心。使人以其心為心。猶知為之三十六幅。而不知攝之以一轂也。未見其能親者也。嗟乎。一心不一心。豈惟親踈係焉。門祚之盛衰。恒必由之。周之興也。以三千臣一心。商之亡也。以億萬臣億萬心。家國一道也。烏有門祚之盛衰。不懸于心之一不一乎。而不一心可乎。雖然。主釋之於三軍也。三令而五申之。而不一者有賞焉。有罰焉。賞之罰之。而不一者。有刑戮焉。此其所以無不一也。一家中。父子爾。夫婦爾。兄弟爾。長幼爾。夫父子也。夫婦也。兄弟也。長幼也。所謂骨肉也。骨肉主恩者也。責善也。猶恐其賊恩而不可也。繩之以政令。賞罰刑戮。如之何其可也。然則將何以一其不一而致其一也。傳不云乎。天下之達道五。所以行之者一也。一者誠而已矣。上見下坤。其卦曰萃。上巽下坎。其卦曰渙。而其象皆

永樂大典卷七千二百四十

二十四

曰。王假有廟。廟莫大乎祭。祭莫大乎誠。故精氣之既散者。可得而格也。是故聖人以聚天下之衆。以極天下之渙。夫聖人之聚衆而極渙也。夫猶有在乎誠。而祀一家乎。而祀骨肉乎。故家人之象曰。風自火出。君子以言有物而行有恒。則非誠而何。蓬原必此之燭矣。不然。其名堂也不直曰同心。顧曰一心。何哉。人同此心。心同此理。居斯堂者。果能致謹於言行。積誠意以相感動。則一家猶一人。豈特三軍比乎。將見恩以相愛。文以相接。雍睦之風。彌久彌盛。鄉無間言。朝有旌復。黃氏且與鄭氏並立于一邑之鄰。十餘里之間。而浦江為禮義之俗矣。不其盛哉。不其休哉。於戲可不勉哉。可不勉哉。

即心堂 宋李跨鰲先生集即心堂記 以何名心。心無所住。有無量國土。乃至須彌高山。億萬由旬。東西南北四維上下。一心攝受。無有增損。若欲即之心。居何所。譬如明鏡。應物現形。形從何來。鏡外無象。中亦不虛。實豈能應物不即鏡。形無從生。是鏡自生。形未即之間。形復安在。物離形亡。寂然不動。我欲以身為鏡。以應為心。以物為即。去道逾近。不假外求。諸佛即我。我即諸佛。六通妙用。三十二相。古至梵天。光照阿鼻。非非想天。人非人等。皆可為說法。一念若起。火燄為城。黃金為地。身居梵率。實

蓋珠網。幡幢花香百寶異音。導前擁後。受種種快樂。汝不即心去佛轉速。葆大師。若於此。透照內觀。便成佛道。無莫生疑。寂子佛法不變。黃梅熱矣。

何日出山 **鑑心堂** 行江後志南豐縣尉解梅隱 西有堂曰鑑心。曰適性。今廢 **葵心堂** 宋 年月日記

試齋詩人笑我。我笑我。不自癡。不慈。曠景。至無遲。便令。隔霧。光難到。七則。傾心。苦為誰。衛足。平生。非我志。向陽。一點。抵天。知話。頭試。問伯休。父休。父丹。衷

便是 **草心堂** 國朝吳海閣過齋集草心堂銘有云。天下有大恩而 不能報者。夫恩莫大於生之親之於子。是也。報莫難

於播之。子於其親。是也。然則。求其稱而不可得。不知所以報之。此人子之 心。所以唯日不足。而不能自己乎。世道淪胥。人習悖德。併侶。評語之風。恬

不為異。見位。連資。多者。衆羨。愛慕。專志。孝弟。者。或鄙。固之。高陽。里。潘德。寧。 自切。夫。怙。由。毋。鞠。育。教。誨。爰。底。于。成人。德。寧。奉。親。愛。敬。家。貧。不能。常。具。甘

旨。遇有。珍。果。奇。味。必。懷。以。供。母。人。多。晒。之。而。予。則。深。喜。焉。以。予。不能。及。也。 載。觀。古人。若。考。叔。歸。羹。陸。績。懷。橘。不。意。於。事。今日。於。生。復。見。問。謁。予。曰。德

寧。早。棄。於。父。賴。母。至今。日。深。思。厚。恩。其。蔑。云。報。將。扁。堂。之。北。牖。曰。草。心。取 孟。貞。耀。詩。語。朝。夕。企。以。自。勗。先生。其。幸。教。之。予。方。愧。生。其。何。能。辭。夫。言。心

水樂大典卷七千二百四十一 二十五

之聲也。因其言之泛切。足以察其中之誠偽。若生之孝。吾乃信之。為之詩

以道其志云。凡物之生。寔本乎天。人之有身。曰父母。旃。天何以報。物則不

克。何以報親。如天罔極。春暉。運。運。草乃生之。句。萌。甲。拆。孰。考。榮。滋。春。湯。澤

私。草也。至微。至微。有心。亦懷。報之。彼。鞠。我。育。我。長。我。畜。我。碩。我。腹。我。出。入

復我。屏我。我害。速我。水火。自我。能言。教我。誦詩。我能。步趨。慎我。威儀。厲我

儉勤。毋我。怠惰。我室。我家。亦百具。宜。莫。恩。匪。深。式。深。于。淵。莫。德。匪。厚。式。高

于山。匪天。寔天。伊。母。則。然。草之。於暉。猶或。思。報。胡。伊。人。矣。而。不。如。草。孟。氏

有言。實獲。我心。草則。不。如。美。間。獸。禽。春。陽。載。熙。親。顏。載。怡。壹。有。清。酒。酌。言

壽之。天。監。慈。母。錫。之。壽。考。錫。以。壽。康。錫。以。難。老。錫。之。百。福。亦。淑。我。後。北。堂

有萱。茶。竹。猗。猗。就。登。斯。堂。視。我。銘。詩。國。朝。鄭。君。貞。詩。草。心。堂。為。潘。子。清

賦。我。親。寔。如。天。我。身。譬。如。草。每。懷。鞠。育。恩。如。天。曷。能。報。春。草。何。依。依。春

賜。復。嗶。嗶。我心。獨。何。如。曾。不。如。春。草。匪。天。無。以。生。匪。親。無。以。保。何。以。報。親

恩。頌。言 **千載心堂** 元蘇天爵滋溪集宇宙萬古。民生如林。道之 長壽考。全體。實具。此心。唐虞。三王。於。禮。元。聖。精。一。相

傳。爰。及。思。益。孟。氏。云。致。道。其。遠。而。匪。道。遠。而。心。焉。外。馳。周。程。初。興。克。嗣。鄒

魯。其。學。伊。何。敬。為。之。主。一。念。之。善。千。載。同。符。毫。釐。有。差。千。里。異。途。卓。哉。揚

君燕居靜室。烟榻
靈臺守之勿失 **求放心堂** 同恕詩華構深高百貨儲。主人終
歲事馳驅。壞牆破戶群偷入。活計

歸來似 **雲無心堂** 宋周密澄懷錄周子充遊廬山。至太平
興國宮殿後。有雲無心堂。臨流水。可愛 **心**
昔無。

逸堂 宋陳唯室先生集心逸堂記 于湖舊無丞紹興初。從繁昌之
武梁侯審理於此。再易政。吳越錢某進之實來。進之畏簡書。勤
吏職。度之事。自豆區釜鍾鉢。泰校程出納。唯謹。丞之事。自田稅受售布帛。
精否。省視唯謹。晨起。屹屹不少怠。莫也。已。又且燒燭續晷。以治四方書疏。
慮接賓客。投壺雅歌。既。行酒。從容笑語。或至夜分。而官舍早。陋無游息
之方。於是作堂西偏。以來求名。余告之曰。進之為吏。勤矣。吏勤則身榮。察
其行事。鳧鴈而運於度者。夫遣無留。山立比。櫛之。按考有稽。晝雖勞。夜
而休。心無甚愧焉。是心常逸也。望吏。不省事。仰成。胥手。輕重。夫取唯。各
意。問焉。不知。諄焉。不聞。視之。身常逸矣。一日。人繩以三尺法。束之。如濕薪。
首鼠。進退。哀。泗。四顧。方。比。特。其。心。勢。焉。余。欲。以。心。逸。名。君。堂。可。乎。唐。崔。斯
立。丞。藍。田。痛。掃。澆。對。二。松。日。吟。哦。其。間。有。問。者。輒。曰。余。方。有。公。事。而。自。云
余。不。負。丞。而。丞。負。余。今。君。畏。簡。書。勤。吏。職。亦。以。其。餘。力。作。堂。植。花。柳。藝。方

永樂大典卷七千二百四十

二十六

池。從。貧。察。朋友。以。倘。祥。其。上。視
斯。立。則。君。不。負。丞。丞。不。負。君。矣。 **心適堂** 宋黃庶詩一屏一榻無俗
塵。左置枯琴右開易。重門

不。閉。誰。往。還。明 **適堂** 温州府志石景立題 仰孝子適堂詩 善居高
月清風是相識。 蹈喜幽居。懸席門多長者車。落葉滿階風任掃。

素。蔭。延。月。景。常。虛。四。時。催。老。何。曾。較。萬。慮。關。心 **率性堂** 清湘志堂
亦。自。知。詩。酒。為。娛。應。笑。我。區。區。懷。綬。豈。多。餘。

湘。書。院。慶。元。三。年。郡。守。趙。必。應。劉。臨。叩。魏。了。翁。記。吾。友。林。仲。山。若。守。全。日。
得。柳。侯。仲。金。氏。讀。書。遺。址。迺。錮。荒。築。室。館。士。儲。書。與。邦。人。講。疑。其。間。且。以

致。懷。賢。尚。德。之。意。嗣。守。者。不。替。有。引。齋。虛。廩。積。歲。衍。月。益。公。錫。之。號。榮。殆
與。雅。嶽。嵩。廬。四。書。院。相。為。儕。等。今。守。趙。立。夫。必。愈。復。增。而。大。之。為。堂。三。楹。

榜。以。率。性。而。移。書。了。翁。曰。願。有。以。告。於。邦。之。人。也。維。侯。故。相。忠。定。公。之。世
適。忠。定。為。政。專。經。崇。儒。未。章。性。命。之。學。侯。習。聞。之。故。將。與。邦。人。共。明。此。道。

是。敢。不。諾。或。聞。而。疑。之。曰。聖。人。之。教。人。若。不。以。性。為。先。而。子。思。孟。子。以。前
論。性。者。亦。未。有。必。然。之。說。也。今。母。問。始。學。例。與。以。率。性。得。無。後。節。躡。等。之。患

乎。曰。不。然。也。成。湯。告。民。於。亳。曰。民。有。常。性。周。武。誓。衆。于。盟。津。曰。人。為。物。靈。
凡。皆。立。國。之。初。以。是。為。群。言。之。蓋。大。本。要。道。無。以。先。此。夫。易。聖。人。所。以

開物濟民者也。首於乾坤。發明性善之義曰。大哉乾元。萬物資始。曰至哉坤元。萬物資生。凡各正性命於天地間者。未有不資於元。元則萬善之長。四端之宗也。猶慮人之弗察也。於繫辭申之曰。一陰一陽之謂道。繼之者善也。成之者性也。猶曰是理也。行乎氣之先。而人得之以為性云耳。曰成性存存。道義之門。則又示人以知性成性。道義皆由此出也。而終之曰。聖人之作易也。將以順性命之理。然則易之為書。其大本要道。顧有先於此者乎。故子思於中庸之篇。據其要而言之。若曰。天所以命於人。則謂之性。率乎性而行之。則謂之道。即是道而品節之以示訓。則謂之教。嗚呼。聖賢之心。後先一揆。故中庸之首。則易與語。誓之首也。疑者又曰。以性命為教。吾既得聞矣。其在學者。則何如其為功也。曰。先天之易。乾南坤北。非性之體乎。後天之易。離南坎北。非性之用乎。坤之正位。變乾為離。明見乎外者也。而曰畜牝牛吉。則順以養之。乾之正位。變坤為坎。明根乎中者也。而曰有孚維心。亨則剛以行之。夫惟位在德元。而養之以順。行之以剛。清明在躬。不役於物。此盡心知性之極功也。故子思子先列性道教之目。次又擇道體之不可離。而繼之曰。是故君子戒謹乎其所不睹。恐懼乎其所不聞。其見乎隱。莫顯乎微。故君子謹其獨也。蓋自可離非道而上。則道之體也。

是故君子戒謹恐懼以下。則人所以求道也。聖賢之言。本末備具。願讀書者不察耳。誠能於稽聞之外。隱微之際。已所覺而人未及知。隨其萌蘖之動。以謹乎善利之幾。則仰觀俯察。前參後倚。真有所見。夫仁義禮知之則行乎君臣父子長幼朋友之間。皆吾性所本有。決所當為。而實不容以須臾離也。於是疑者舍然而作曰。惟本乾坤之體。坤離之用。以發明性道教之節。吾物聞諸此。盡以復于趙侯。與學者共講焉。余曰。然。是為記。紹定元年九月。見性堂。宋馮山詩見性堂為劉明復題。鑑蝕磨即明水潭。浩無營。一覺自復本。妙用皆隨成。性通儒佛間。大抵寂與誠。云見非見。故執見流為情。名堂雖取相。證實不證名。文書每業委。賓客茲逢迎。二諦本無礙。安知堂虛盈。優游寄真賞。接引開群盲。登堂一開豁。灑然塵夢輕。宋章讓詩。由來迷悟盡。負如見性名。堂亦謾書。萬變紛紛任交戰。一心了了即安居。檻花妖秀烏能脫。虎狷孤高自有餘。多謝前人為留意。使予聊得寓清虛。誠意堂。潼川志堂在憲司。提刑楊祖職。有記曰。天下之理。一言而足。散之不可勝名。用之不可勝盡。而其要不外乎誠。天地日月之所以運動。鳥獸草木之所以蕃息。匹夫匹婦之所以云。

永樂大典

卷七二四〇

為皆本乎是非有異道。日用常行。非有異法。於安而已矣。運動者有常。經一左一右一進一退。各安其理。而天道順矣。蕃息者有常性。飛一潛一榮一瘁。各安其生。而物理得矣。云為者有常分。一飲一食。一出一處。各安其分。而人事治矣。故夫安則久。久則天。天則神。而誠之道不可勝用。且誠者何也。不欺而已也。不欺者何。不欺其心而已也。不欺其心者何。心所安則為之心。所不安勿為之而已也。吾心自明。以偽故昏。能勿為其所不安。則偽去。以是寓於事。而衆善出焉。以之事君曰忠。以之事親曰孝。以之處夫婦朋友長幼。無不得其當。以之履患難。臨死生而不動。至於位天地。育萬物。宜無難者。故曰不愧屋漏。誠之不可掩也。或曰不然。是道也。烏可易言。當有所從入。或求之言。或求之動。一云為期於不安。一舉足期於不棄。兢兢然。兢兢然。無須臾之安。而偽勝矣。自斯人而以往。為誠也。人始流於僻矣。自斯人而以往。拘為誠也。人始迫於隘矣。僻與隘。見於世。而天下紛紛乎多事。自杖而業。自業而似。模擬刻畫。憔悴勞苦。卒得其似者。而誠之道隱矣。夫道與我為二。而偽滋。道與我為一。而誠著。不思而言。言自不安。不思而行。行自不棄。其誠耶。其不誠耶。吾不知之也。書之罔覺。易之深。語之樂。而孔子從心不踰矩。子思從容中道。孟子周旋中禮。皆吾誠說也。舉

永樂大典卷七千二百四十

二十八

是以名堂。以見誠之易易也。如此。乾道癸巳。李春華。陸楊祖。職記詩海繪章題。梁歸安誠意堂詩。至誠千里應。清生一堂深。政有移風效。民無作偽心。寡辭身易治。簡訟吏聞琴。未必慙恭茂。吾知古亦今。

真意堂

上饒志。故刑部郎中徐鏡明叔所居。鏡善書畫。人物滿瀟。

乃後唐騎省都尉。絃之後。有園在弋陽縣。東半王右史。元勳嘗為賦。貞意堂詩。一室恐婦愁。三間良足用。積錢寬買園。此事不敢憂。弋陽千萬家。地屋接脩棟。相期生在動。意象不少縱。鉅字參不破。竟日自慳慳。設有花木山。僅作一身供。徐翁初來時。赤子不取重。徐徐汲堅俗。轆轤轉雙甕。鋤夷荆棘開。改化溪山動。千年五柳陶。慕用常接踵。徐翁但神會。踈跡不勤縫。七弦已可忘。五柳不待種。見山若舉頭。孤鶴亦須送。宋胡寅斐然集題。傅氏真意堂詩。高構落繁蔭。茂竹疏冷風。小堂尋大景。已理一畝宮。况復哆北楹。方池渺溶溶。遊鱗亦何樂。動影相冲融。卉木羅以差。想見芳菲容。香枝寒月碎。靈架春雲濃。我來秋暮時。山葉殷殷紅。乃眷黃金花。尚闕東籬叢。維君抱材氣。志通身則窮。和璧獻未售。夜半七騰虹。樂歲突尚冷。初筵尊未空。恨我早病衰。不能卷千鍾。善聞滌塵語。水壺瑩心胃。又知此勝景。芹溪紫硯峰。昔有遺世士。煙霞渺飛蹤。先生儻解后。問訊為我通。芝

苗不足飽。步謝角里翁。相欺玉京路。手把青芙蓉。洪端平詩。其意堂為水
去林人題。萱草還庭寂。橘花意戶明。我惟天地性。物自古今情。元酒無
窮味。朱絃不盡聲。道從涵泳得。寬作讀書程。戴栩浣川集。寄題林上舍。負
意堂用其元。和淵明韻。趨贏厥市寂。洗聽嫵瓢喧。襟素倘相越。取捨誰
為偏。卓哉靖節翁。人境得僊山。有真諒無質。無往豈有還。唯彼南山雲。朝
夕可晤言。山雲將雨作。山風得松喧。嗟我無用世。懶癖抱奇偏。鸞鴻玷
清著。猿鶴猜。舊山羨君不浪出。悔我
今空還。三復和陶什。懸謝不能言。

生意堂

元董嗣果詩。盡堂
清傍水南橋。煙氣如

炊掩紫霄。十二闌干成獨倚。槽聲風隔大江遙。江天饒霧未能開。聞拉
孤筇現九垓。紅日破陰晴色轉。廬山如洗入堂來。絮花授雪小橋寒。渾
是蘇隄柳下看。愁去不知春袖濕。晚風吹雨入闌干。重慶郡志。李可
齋生意堂詩。碩果食難盡。負機運不停。岷峨熒霜靈。依舊草青青。

先

意堂

元韓性五雲漫葉先意堂詩。為孫推官賦。聞說東萊有盛事。
百人華堂扁先意。天光雲影開畫圖。翠釜瓊觴奉歡醉。持陰滿

地萱作花。使我北望長嘆嗟。君侯竭來治獄市。始知盛事傳君家。君家堂
中足數醜。萬里難辭遠從宦。平生繼志當揚名。豈但標題事翰英。人間甲

第爭長雄。層樓海市紛青紅。三山山色望不盡。真與此意傳無窮。桐鄉何
如故鄉好。五雲還近蓬萊島。平反喜動慈母顏。仁風暗長園扉草。人間陰
德真可居。歸來更欲高門閭。却笑于公真早計。坐愁異
日難容車。君不見。飛甍照耀魚龍居。向來陋巷環蓬蔭。

古意堂

宋趙

昂臣詩。破昂如錯價萬金。古文料斗費推
尋。不須更待琴絃足。會有幽人識此心。

得意堂

宋趙抃詩。宿故
梁子正得意堂

有感示諸梁英少。遺訓素諄諄。先生家尚新。門風競蘭玉。邨
譽動簪紳。戶牖宵排燭。琴書晝拂塵。子孫為學處。宜有起家人。

雅意

堂

國朝石光霽詩。一空抱虛白。中襟澹無營。松桂藹幽色。几席含餘清。
長歌樹蕙辭。閑寫籠鶴經。志恆恒自適。世紛終莫榮。焚蘭理瑤軫。古

棄意堂

宋謝道詩。題吳明載棄意堂。此身聚沫無堅強。芥
布聲。工代性藥腐腸。寸田蕪穢久宅荒。玉石落落不滿房。

黃婆居中補四方。焦勞亦坐意所藏。土如燒瘠草不妨。今人槁項誠亦黃。
世人紛紛各青育。我以妙語名斯堂。期君得意觀濠梁。從渠焚醜張如羊。
君自放棄無何鄉。一洗國疾。
生天光。濠園發藥君得膏。

式華堂

宋周益公大全集式華堂記
淳熙甲辰。今太皇太后慶

七十於德壽宮推恩四海。廬陵進士歐陽鉞字仲授。以高年賜初品官。其子頌。取訓詞式華其老之言。揚名于堂。工部謝尚書謬寔為之記。歲星一周。當慶元丙辰十月三日。今皇帝奉上壽。聖降慈備。福光祐人。皇太后冊寶於慈福宮。聖算八十有二矣。於萬斯年。慶典未央。鉞也。又將拜增秩之寵。載新斯堂。以延賓客。其有日矣。

正己堂

江州志。郡都統制衙廳東有正己堂。武陵園經堂在郡提刑司倉廳後。蓋取宋

嘉陳謙所書詩云。天吏吏之師。其道先正己。反求力澄源。威權非所恃。建安志。紹興中。宋駿於和豐堂東立射圃。有堂曰正己。宋薛季宣浪語集正己堂記。城堂以北。得射圃之舊地。帶江面嶺。括岡阜而極坦夷。真武昌之形勝也。自中興假武備。諸城汨沒苞蕭。非復往意。乃紹興己卯。詔書閱弓兵武事。於是邑尉番陽董君。經之營之。番陽王君踵而成之。張設射侯。創新堂陞。適走行保伍之政。因命同僚落馬王君為堂請名。走命之曰。正己。以為大人。正己而物正。射法於是乎取。故正己而後發。失諸正鵠。則反求諸己。至於升降步武。揖遜威儀。一本諸躬。用能不爭。古之觀德者。以是厥有旨哉。孔子曰。吾何執。執御乎。執射乎。吾執御矣。是則射御之旨。藝寧足以周之。古者寓兵於農。非徒教戰而已。射御之法。使人知之。知正己

以成身。則天下無事矣。武昌當天下孔道。南隣大治。豫章北而申蔡。蕪黃為姦人盜賊之淵藪。有文事者必有武備。今亦闕矣。王君泊走之為此。蓋將發政於弓兵。聯保伍之民。遊於此。學於此。閱習於此。以自成於此。由正己而格物。其庶矣哉。

治己堂

宋文同丹洲集彭州

永昌縣治己堂記。常人患負己之所有。而不能自增廣之。猶田馬雖美。沃使墮殖。藉著猥然。弗時芟蕪。亦已見其報之滅裂如也。其有糾鉉故高。懼忽墜。務以不足。耻其躬。營營焉。日求所以勝於心。卒愈堅而礪愈鉅。者非賢者。誰其能之。狄道李思忠。性明徹。而才果利。厥聲鏗然。憺于縉紳。崇卿巨侯。交啓薦辟。今尚令于永昌也。其處之。警儆之。視杯園。而丁之。觀於苑。豈假施其功。而肆其力歟。既至未幾。乃構堂于其所居之西北。隅。關二室。敞一軒。曰蒙。曰晦。曰默。總而名之曰治己。修筠珍幹。羅立環擁。寒溜淅淅。渠行沼滂。茂樾清響。旦夕滿座。子忠公事既休。即來其間。其所以題之曰治己者。有旨太楊雄曰。治己以仲尼。曾參曰。夫子之道。忠恕而已矣。子忠其尚。以我之所得者。為未厭。將酣飲而飽。飲乎。既蒙且晦。而又默於此。期深探而極取之乎。意內以忠。而盡乎心。外以恕。而接乎物。如是。豈獨行於世。而無所悔也。愚將見其騰于天。而沒于淵。橫軼于四海之外。孰有

一議而缺於已者耶。子忠之賢七十子之徒也。見屬記之。猶為道此。熙寧二年十一月十五日記。

脩己堂

鎮江志金壇縣

廳事後有堂曰脩己。大德三年。連魯花赤阿老瓦丁。尹徐克敏重建。有記刻石。

得己堂

元陸子方詩為已終成物為人適食

已得之。以為重。藝者深可耻。與其乞墻生。不若蒙袂死。貧賤勿失已。富貴亦勿競。窮達本無心。安於義與命。人受命於天。顏孟獨能正。

尊

己堂

宋羅端良詩尊己堂為汪氏題。華屋成。來有幾年。石因者善。里中傳。未容極口論。臧否。正欲虛心到聖賢。室有圖書人自好。

門無車馬地。還偏。邈州健筆人。爭誦姓字從。今到日邊。元陳旅安雅堂集。尊己堂銘。全尚書。為新安汪氏石。朱文公為題。其榜林林生人。玄精之疑。自頂及踵。天命流行。君子之身。敬共奉承。曰惟事天。動罔或輕。公卿父兄。出入做事。至於使民。亦若承祭。無所不敬。尊己之謂。慨然自尊。反夫良貴。擁金如抵。高位以怒。充身為侯。衆怒射之。匪德之尊。其尊為危。所以謙者。莫踰其卑。先獻顏頭。汪氏之執。尊已繫何。非己之已。載磨華榜。思我朱子。神封登大。遺說在此。維江有孫。作堂言言。雲屏之山。峙其後。前豈構之。復訓迪厥先。爾冠爾裳。毋願而天。

自得堂

宋表蒙齋

永樂大典卷七千二百四十

三十一

自得堂銘 自得之訓。躬于帝堯。子思孟子。陳義愈昭。得何所得。匪深匪高。洞然太空。大無不包。萬物皆備。不增秋毫。無喪無得。得之靡勞。此學不傳。嗟哉。報苗師友。講明樂也。陶陶。

永樂大典卷之七千二百四十

永樂大典

卷七二四一

重錄總校官侍郎臣高拱

學士臣陳以勤

分校官洗馬臣林煥

書寫儒士臣盛以仁

圖照監生臣馬承志

臣吳燠